

ԴԱՍՏԻԱՐԱԿՈՒԹԻՒՆ

Ա. Ղ. Զ Կ Ա. Ն Ց

ԽՐԱՏՔ ՏԸ ԼԱՄՊԵՌ ՄԱՐԳԻՁՈՒՀԻՈՅ

ԱՌ ԴՈՒՍՏՐՆ ԻՒՐ

ԵՒ

ԿԱՆԱՆՑ ՎՐԱՑ ՔԱՆԻ ՄԸ

ԽՈՐՀՈՂԱՄՈՒԹԻՒՆՔ

ՖՐԱՆՍԵՐՔՆ ԲՆԱԳՐՔՆ ԹԱՐԴՄԱՆ ԵՑ


ԳՐԻԳՈՐ ՊՍԿԵԱՆ

ԸՆԴՀ. ԳԵՂԻՉ ՀԱՆՐԱՅԻՆ ԿՐԹՈՒԹԵԱՆ



ՎԵՆԵՏԻԿ - Ս. ՂԱԶԱՐ

1981



ԴԱՍՏԻԱՐԱԿՈՒԹԻՒՆ

Ա. Զ. ԶԵՐՆՅԱ

Նուեր

Լիզպոնի Գալուստ Կիւլպէնկեան
Հիմնարկութեան կողմէ

Հայկական ՍՍՌ Գիտութիւնների
Ակադեմիայի Մատենադարանին

1966

ԴԱՍՏԻԱՐԱԿՈՒԹԻՒՆ

Ա. Ղ. ԶԿԱՆՑ

ԽՐԱՏՔ ՏԸ ԼԱՄՊԵՌ ՄԱՐԳԻԶՈՒՀԻՈՑ

ԱՌ ԴՈՒՍՏՐԵ ԻՒՐ

ԵՒ

ԿԱՆԱՆՑ ՎՐԱՑ ՔԱՆԻ ՄԸ

ԽՈՐՀՐԴԱԾՈՒԹԻՒՆՑ

ՖՐԱՆՍԵՍԲԵՆ ԲՆԱԳԻՐԵՆ ԹԱՐԳՄԱՆԵՑ

ԳՐԻ ԳՈՐ ՊՍԿԵԱՆ

ԸՆԴՀԱ ԳՈՒՅՋ ՀԱՆՐԱՅԻՆ ԿՐԹՈՒԹԵԱՆ




ՎԵՆԵՏԻԿ - Ա. Ղ. ԶԿԱՆՑ

1981

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

866
Հայեան



ՅԱՌԱԶԱՐԱՆ



Տիկ. Աննա — Թերեզ տը Լամպէռ
մարքիզունին (Օրփորդ տը Մարկզնա) ծնաւ
ի Բարիկ 1647ին եւ մեռաւ 1733ին։ Երեք
տարեկան հասակին մէջ կորմնցուց իւր հայ-
րը՝ Պ. տը Մարկզնա։ Իւր Մայրը, երկրորդ
անգամ ամումնացաւ Ֆրանսուա Պալօմոնի
նետ, որ հանրածանօթ է իւր յոյժ գեղեցիկ
քանաստեղծութիւններով եւ Ճանապարհոր-
դութիւն Պալօմոնի անուամբ երկասիրու-
թեամբ մը զոր գրած է Շաբէլի աշխատակ-
ցութեամբ։

Օրփորդ տը՛ Մարկզնա, իւր մանուկ
հասակին մէջ մեծ յօժարութիւն ցոյց կու
տար ուսման եւ ընդհակառակին շատ չէր
ախորժեր իւր տարիքին յատուկ զուարճու-
թիւններէն։

Պալօմոն իւր խորթ աղջկան վրայ նշմա-
րած այս լաւ տրամադրութիւնը մշակելու
համար, ընտիր երկասիրութիւններ տուաւ
անոր ծեռքը, յատկապէս յանձնարարելով որ
անոնց մէջէն քաղուածներ հանէ եւ ատոնց

վրայ իւր նարազատ խորհրդաժութիւններն աւելցնէ :

Այս եղանակաւ, Օր . տը Մարկընա վարժուեցաւ իւր գաղափարները ճշդելու եւ իրեն ծրագիր մը յօրինելու :

1666ին ամուսնացաւ Համբի տը Լամպէռ մարքիզին նետ, որ արքայական քանակին մէջ տեղակալ եւ լիւքսնբուրգի քաղաքին եւ դքսութեան կառավարիչն էր :

Մէկ մանչ եւ երեք աղջիկ զաւակ ունեցաւ : Իւր որդին, Համբի - Թրանսուա տը Լամպէռ, Սէն-պրի մարքիզը, արքայական քանակին մէջ տեղակալ - զօրավար եւ Օգոստի կառավարիչ եղաւ : Երկու աղջիկ զաւակները մանուկ հասակի մէջ մեռան . իսկ երրորդը, Մարի - Թերեզ տը Լամպէռ ամուսնացաւ Սէնթ - Օլբուի կոմս Լուի տը Պօբուաֆի նետ :

Տը Լամպէռ մարքիզուին ինքզինք իւր զաւակաց դաստիարակութեան նուիրածէր : Զանոնք առաջինութեամբ օժտելու բաղձանքն էր որ իրեն ներշնչեց իւր առաջին գրութիւններն որոնք նախ առանց իւր արտօնութեան տպագրուեցան :

Տիկին տը Լամպէռ ո՞քան որ իմաստուն՝ նոյնքան ալ համեստ ըլլալով, չէր ուզեր որ իւր պարապոյ ժամերուն եւ մայրական գորովանաց պտուղները լոյս տեսմէին :

Տասնեւութերորդ դարու մէջ նախապաշարում մը ծաղրելի կ'ընէր կին մատենագիրները. կը կարծուէր թէ անոնք անկարող են իրենք զիրենք առտնին զբաղմանց նուիրելու: Զէին խորհիեր թէ կրթութիւնն է որ պարտաւորութիւնը կը սորվեցնէ, սկզբունքները կ'ուղղէ եւ կը նաստատէ, եւ թէ միակ տոկուն առաքինութիւնը կրօնքէն եւ խորհրդաժութենէն կը ծնանի: Տգիտութիւնը շատ սխաներու կը մղէ ըգմարդ, եւ այն կիներն որ իրենց պարապոյժամերն ուսման կը յատկացնեն, բնականաբար նուազ սխալ կը գործեն քան թէ անոնք որ օրուան մէկ մասը զարդարանքի ունայն հոգերու կը զոհիեն:

Տիկ. տը Լամպէո այս նշմարտութիւնը լաւ ըմբռնած ըլլալով, ջանաց մանաւանդիւր աղջկան միտքը զարգացնել. բայց հեղինակի տիտղոսէն այնքան կը վախնար որ, իւր երկասիրութեանց գտած յաջողութիւնը չկրցաւ ատոնց հրատարակութեան վրայ զինքը միսիթարել: Պահանջուած գումարը վճարելով, գրավաճառի մը ձեռքէն ետ առաւ ամբողջական տպագրութիւն մը, զոր նա առանց իւր գիտութեան հրատարակած էր:

Իւր ամուսինը մեռնելով, կարգ մը դատավարութիւններով կնճռուտած նարը-

տութիւն մը Թողած էր, Տիկ. տը Լամպէռ, իւր զաւակաց ժառանգութիւնն անվթար պահելու հոգածութեամբ տարիներով անոնց իրաւունքը պաշտպանեց. Եւ իւր խոհեմական հաստատամութեամբ Եւ խելամութեամբ վերջապէս յաջողեցաւ ամէն խոչընդուներու Եւ անփրաւութեան բոլոր խորամանկութիւններուն յաղթել:

Այսուհետեւ հոգերէ զերծ Եւ կարեւոր հարստութեան մը տէր ըլլալով, իւր տունն արժանաւոր Եւ բարձրաստիճան անձնաւորութեանց փայլուն ժամադրավայր մեղաւ:


Ասոր փրայ, կարգ մը նախանձողներ ջանացին Տիկ. տը Լամպէռի նանգիստը վրդովել. բայց նա իւր հանճարին մեծութեամբն Եւ իւր հոգւոյն ազնուութեամբը կարող եղաւ զրպարտութեանց սլաքները խափանել: Երջանիկ իւր սիրած հանոյքներովն Եւ մանաւանդ այն անկեղծ բարեկամութեամբ զոր գիտէր ներշնչել բոլոր անոնց՝ որոնք իրեն հետ յարաբերութեան մէջ էին, նախատինքները միշտ մոռցաւ, կիրարկելով սա խրատը զոր կու տար իւր զաւակաց. «Հաւէ մեր ախոյեաններուն հետ կենակցիկ գիտնալ. օգտակար է շատ անգամ ինքզինք երկիւղալի ցոյց տալ. բայց պէտք չէ երբեք վրէժ լուծել. փոքրոգիներն են որ անգութէ՛ըլլան, մեծ մարդիկ ողորմած են»:

Տիկ. Մը Լամպէռի գլխաւոր գործերն նետեւեալներն են. — Նամակ ճշմարիտ բարքի վրայ. — Աօր մը խրատք առ որդին իւր. — Աօր մը խրատք առ դուստրն իւր. — գրքոյկ մը բարեկասմութեան վրայ. — գրքոյկ մը ծերութեան վրայ. — Խորհրդածութիւններ՝ կանանց, ձաշակի և Հարստութեան վրայ:

Իւր գործերը նշանաւոր են մանաւանդ մարդոց եւ իրաց վրայ ունեցած իւր խոր հմտութեամբ, իւր պարզ, ազնիւ եւ անըստղիւտ ոճէն եւ առողջ փիլիսոփայութեան մը սկզբունքներով:

Ֆօնմելնէլ ըասծ է թէ, Աօր մը խրատներն առ դուստրն իւր գլուխ գործոց մըն է, որուն նետ չի կրնար բաղդատովիլ դաստիարակութեան վերաբերեալ եւ ոչ մէկ երկասիրութիւն:





ՍԹԱՖ ՊԱՐՈՆՈՒՀԻՍՈՅ

ԽՈՐՀՈԴԱՇՈԽԹԻՒՆՔ



Տիկին տը Լամպէոփ այս աշխատասիրութիւնը թերեւս աւելի նուրբ, աւելի ազգուխորհրդածութիւններ կը պարունակէ քան իւր Մօր մը խրատը առ որդին իւր գործը։
Հոս կին մըն է որ ուրիշ կնոջ մը կը խօսի, կանացի պարտաւորութեանց վրայ, կատարեալ անձնական փորձառութեամբ։ Կին մըն է որ կը ճանչնայ բոլոր այն վտանգներն որք զկինը կը շրջապատեն։ որ կը ցուցնէ թէ ինչպէս պէտք է ատոնցմէ զգուշանալ և թէ ինչ ճամբու պէտք է հետեւիլ երջանկութիւն գտնելու համար, կամ զէթհոգւոյ խաղաղութիւն՝ որն որ, օգտակար ըլլալու, բարիք գործելու ուրախութեան միանալով, բոլոր աշխարհային երջանկութիւնը կը բովանդակէ անտարակոյս։

Մարգիզուհին աղջկանց դաստիարակութեան լքեալ վիճակէն գանգատելով կը սկսի։ Այս գանգատն այսօր իսկ կրնանք ընել։

Արդարեւ այժմ կը հրահանգեն կիները կարգ
մը գիտութեանց մէջ, բայց քիչ մայրեր կան
որ կեանքի ծանր պարտաւորութիւններն իւ-
րենց աղջկանց ուսուցանեն, գիտնան հառ-
կըցնել այդ պարտաւորութեանց կարեւորու-
թիւնն և թէ որքան քաղցր է զանոնք կատա-
րել:

Առ այս ոչ այնքան անձնատիրութիւնն
ու բարեացակամութիւնն են որ կը պակախն,
որքան գիտողութեան կարեւորութիւնը կամ
իւր մտածութիւնն և զգացմունքն արտայայ-
տելու գիտութիւնը:

Տիկին տը Լամպէռ պատրաստած է այս
դասերը զորս ամէն մայրեր պարտին տող
իրենց աղջկանց, կեանքի ընթացքին մէջ
անոնց օգնելու և անոնց պատուաւոր և խա-
ղաղ վիճակ մը ապահովելու համար:

Մարգիզուհին գիտէ թէ կինն երջանիկ
ըլլալու համար ինչ տատիճան անձնուրացու-
թիւն, հրաժարում և անջատում ընելու պար-
տաւոր է: Այս պատճառաւ կը ջանայ իւր
դուստրն ամէն փառասիրութենէ հեռացնել,
և յայտնի կ'երեւայ թէ անոր պարզ՝ գրեթէ
աննշան կեանք մ'ունենալը կը բաղձայ:

Եւ իրօք, այն կինը որուն կեանքն հե-
զիկ և հանգարտիկ կ'անցնի, ընտանեկան
հովանուոյն ներքեւ, տնական խաղաղութեան
մէջ, իւր վիճակին պահանջած պարագայից
մէջ միայն դուրսն երեւնալով, այն կինը
միայն երջանիկ է, և ոչ երբեք աշխարհա-
սէրն որ փայլելու և մեծարանք ընդունելու
բաղձանքով մոլորած է:

Շատ մայրեր, գիտուելու և ուրիշներու

նայուածքն իրենց վրայ յանկուցանելու մասին գեռատի աղջկանց երբեմն սաստկապէս զգացած պէտքը փոխանակ արդիլելու, աւելի եւս կը գրգռեն։ Մարգիղուհւոյն իմաստուն խրատները թերեւս կարենան այնպիսի մայրերն անդրադարձնել այսուհետեւ։

Տիկին տը լամպէո. կ'ուզէ որ իւր դուստրը կրօնքի մէջ վնառէ ամէնէն հզօր միսիթարութիւններն։ Ինքն համոզուած է թէ կինը վշտակրելու և ենթարկուելու սահմանուած և ի բնէ այր մարդէ աւելի սիրող՝ մեծ սփռփանք կը դանէ, բանալով իւր սիրտն առ Աստուած։ Իւր խրատներուն մէջ, շատ անդամ կը պատուիրէ իւր աղջկան դիմել առ այն կազդուրիչ գարմանն, որ է կրօնքն, ամէն նախապաշտումէ զերծ։

Ինքնապաշտպանութեան ուրիշ միջոց մըն ալ կը ցուցնէ ընդդէմ այն չարիքներուն ուրոնց կ'ենթարկէ զմեղ մարդկային տկարութիւնն, ուրիշ դաւանութիւն մը, այսինքն իդական պատուոյ դաւանութիւնը։ Կինը պարկեշտ ըլլայ, այրը քաջասիրտ. կ'երեւայ թէ այս է մարգիղուհւոյն մտատիպարը։ Լաւ գիտէ թէ շատ առաքինութեանց աղքիւրը պատուոյ զգացումն է։ Այդ աղքիւրէն կը բղխին արանց և կանանց մեծագոյն մասին անկեղծութիւնն, ողջմտութիւնն և իրենց պարտաւորութիւնը կատարելու մասին ունեցած հաւատարմութիւնը։

Մարգիղուհւոյն օրով, յաւէտ անձնասիրութեան ոգւով կ'առաջնորդուէին քան թէ ընկերախրութեան, բայց այդ մեծամիտ անձնասիրութեան պտուղն ուրիշները կը քաղէին։

Յայտնի կ'երեւայ թէ մարգիզուհին, կանացի շնորհքներու հետ, պատուաւոր մարդու յատկութիւնները միանդամայն յանձնարարելով իւր աղջկան, չուզեր որ նա երեւելի յատկութեանց համբաւին բաղձացող ըլլայ: Այդպիսի փառքեր այր մարդուն կը յարմարին, որն որ հասարակաց երջանկութեան համար պարտի բարիք գործել. մինչդեռ կանանց աւելի վայելուչ է իրենց անոյշ առաքինութիւնները փայլեցնել իրենց ընտանեաց մէջ, անական երջանկութեան համար:

Կինը հանրութեան՝ այսինքն զինքը չճանչցող մեծամասնութեան գովեստներուն պէտք չունի: Այսու հանդերձ, յայտնի է թէ չեմ յորդորեր զինքն որ համարում ըստած բանն ալ արհամարհէ. և արդէն իսկ տիկին տը Լամպէռ ալ գիտէ թէ համարումը կորսնցնելու երկիւզը սանձ մըն է . . . սկիզբն է իմաստութեան:

Ինչպէս որ իւր որդւոյն համար ըրած է, կը ջանայ իւր դուստրն ալ համոզել սա ճշմարտութեան թէ, կիրքերու զոհողութիւնն աւելի եւս ուրախութիւն կը պարզեւէ քան թէ բաղձանքներու զոհացումը: Սակայն կը պահանջէ որ սուաքինութիւնը շատ խիստ չըլլայ և իւր աղջկան վրայ չառնու այն կոչտ ընթացքը զոր անստգտանելի բարուց տէր կանայք կարծեն թէ կարող են առնուլ: Այդպիսի առաքինութիւնը չի կրնար սիրուն յատկութիւններ տնօրինել և ուրիշ պարտաւորութիւններ ալ կատարելու օգնել:

Բայց Տիկին տը Լամպէռ շատ կը պնդէ այն ողջախոհ զգուշաւորութեան վրայ, այն

փափուկ համեստութեան վրայ, որ աւելի եւս
կը փայլեցնէ գեղեցկութիւնն, իսկ տգեղու-
թեան վրայ քող մը կը ձգէ:

Տգեղութիւն բառն այն ինչ կ'արտասանէ,
և ահա անմիջապէս, այս մասին շատ հան-
ճարեղ և շատ գործնական խրատներ կուտայ:
Խոստովանելով հանդերձ թէ տգեղութիւնը
դժբաղդութիւն մըն է կնոջ համար, թէ ներ-
քին արժանիքներ գմուարաւ կրնան դուրս
ցայտել արտաքին անհաճոյ երեւոյթէն, հա-
մոզուած է թէ այն կինն որ իւր տգեղութեան
կամ գէթ նուազ գեղեցկութեան գիտակցու-
թիւնն ունի, որ իրենք զիրենք մոռցող տգեղ-
ներու յանձնապաստան և նոյն իսկ յաղթական
կերպարանքը չունի, կրնայ ուրիշներու դա-
տողութեան խստութիւնը մեղմացնել Համես-
տութիւն, կամաւոր հրաժարում կը յանձնա-
րարէ անոր, և կը խրատէ ընդունիլ այնպիսի
արդուզարդ մը ուր կատարեալ արուեստ մը
կարենայ ծածկել ամէն նախապատրաստու-
թիւն և ամէն յաւակնութիւն:

Կարճ խօսք մ'ալ կ'ուղղէ աւելի սիրուն՝
աւելի գեղեցիկ կանանց. անոնց կ'ըսէ թէ,
իրենք զիրենք շատ յաճախ աչքի ենթար-
կելով, հանրութեան հիացումը կը յոգնեցնեն:

Տիկին տը Լամպէռ չէր կրնար չբաղձալ
որ կինը մտքին մէջ շնորհք և տաղանդ ու-
նենայ. վասն զի, բաւական չէ միայն գեղեցիկ
ըլլալ. բայց արուեստական և մտաւորական
ձիրքեր պարտին, իւր կարծիքով, մի միայն
հաստատուն արժանիք մը ցոյց տալ և փայ-
լեցնել:

Այդ ձիրքերը կ'օգնեն նաեւ զսպելու այն-

պիսիները զորս գեղեցկութիւնն յափշտա-
կած է և պատժելու այն ձրի համակրութիւնն
որ դրեթէ յակամայս իրենց կը տրուի: Եր-
բոր յետ վարժութեան, դէմքի գեղեցկու-
թիւնն այլ եւս կարեւորութենէ զուրկ կը
մնայ, սիրուած անձին վրայ ուրիշ շնորհքներ
գտնելու պէտքն զգալի կ'ըլլայ, անոր կա-
պուած մնալու համար: Երկար ժամանակ
սիրուած կին մը, ունի իւր վրայ կարդ մը
միջոցներ որք աւելի եւս հրապուրիշ կ'ընեն
զինքը:

Մարգիզուհին լաւ գիտէ թէ ամէն կին
հաճոյ ըլլալու անդիմադրելի տենչով մը կը
ծնանի: Զկարենալով այր մարզուն պէս
փառքի և պատուոյ հասնիլ, ուրիշ միջոցնե-
րով կ'ուզէ անոր իշխանութեան հաւասար
իշխանութիւն մ'ունենալ: Գէթ այս կերպով
կը մեկնէ Տիկին տը Լամպէս այն բնազդն
որ կը դրգէ զկինը սիրաերու վրայ իշխելու:
Ես կարծեմ թէ բնութիւնն է որ այս բաղ-
ձանքը տուած է կնոջ, վասն զի նա պաշտօն
ունի իւր շնորհքով և գեղեցկութեամբ այր
մարզուն կեանքը զարդարելու և զուարթա-
ցնելու: Ինչ որ ալ ըլլայ, մեծ անուն տիկինը
կ'ուզէ որ այս բաղձանքն ալ ուրիշ բաղ-
ձանքներու պէս չափաւորուի և բոլորովին
անոր անձնատուր չըլլուի:

Թոյլ չի տար որ գեղեցկութիւնն աւելի
եւս փայլեցնելու բաղձանքով մեծ զոհողու-
թիւններ գործուին. շատ իրաւունք ունի
զարդարանքի մասին վայելուչ պարզութիւնն
մ'ունենալ խրատելով, որպէս զի նորածեւու-
թեան անհապատութենէն տրտնջելու հարկ
չմնայ:

Շատ ճշգրէտ էջ մըն ալ ունի այն ձանձ-
րոյթին վրայ որոյ յաճախ ենթակայ են
զեռատի աղջիկներն, իրենց մանկութեան
հասակէն մինչեւ ամուսնանալու ժամանակն:
Ասոնք դուռարձութիւն միայն կ'երազեն, և
այս յօժարութիւնն անդարմանելի կերպով
ունայնասէր կ'ընէ զիրենք, եթէ ատոր ան-
ձնատուր ըլլան, իսկ անհաճոյ՝ եթէ զայն
բոլորովին զսպելու բանադատուին:

Ձանոնք դաստիարակողներուն կ'իյնայ ա-
նոնց գնահատել տալ այն հաճոյքները զորս
կարելի է գտնել ամենապարզ բաներու մէջ,
և այդ հաճոյքներն անոնց զգացնել:

Մարդիկուհին կը հաւասարէ – և որքան
իրաւամբ – թէ հազարաւոր վայելք կը կոր-
սրնցնենք որովհետեւ չենք գիտեր զանոնք
արժանի կերպով գնահատել: Այս, անտա-
րակոյս, մեր կեանքին մէջ շատ անդամ
կ'անարգենք այն փոքրիկ՝ այն համեստ եր-
ջանկութիւնները զորս ամէն մարդ կրնայ
վայելել: Ողջմտութեամբ օժտուած մայր մը,
որ խորհած և ըմբռնած է, պարտաւոր է
այն երջանկութիւնները ցուցնել գիտել տալ,
և անոնց արժէքը ճանչցնել, որպէս զի զա-
նոնք վայելեն և անոնցմով գոհանան:

Երիտասարդութեան մէջ քիչով երջանիկ
ըլլալ գիտցողն, հասուն հասակի մէջ նուազ
դժուարահաճ՝ և ծերութեան մէջ նուազ նեղ-
սիրտ կ'ըլլայ, անտարակոյս:

Գեղածիծաղ և կայտառ երիտասարդու-
թիւն մը, հաճոյական ծերութիւն մը կը
պատրաստէ. համակրութիւնները բնակա-
նաբար զեռատի արարածներու կ'երթան,

մանաւանդ եթէ անոնք անոյշ և զուարթ ընտառութիւն մ'ունին . այնպիսիները բարի համբաւ մը կը շահին որ մինչեւ իրենց կեանքին վախճանը կը տեւէ . և այնպիսի յարաբերութիւններ կը հաստատեն զօրս տարիներու ընթացքն աւելի եւս կ'ամբապնդէ : Չկարծենք թէ անշահախնդիր բարեկամութիւնները մեղի կու գան այն տարիքի մէջ ուր մեր գեմքը կը խորշոմի և մեր մազերը կը ճերմկին : Երիտասարդները միշտ հաճոյքով կ'ընդունուին , իսկ ընդհակառակին հեռու կը փախչին այնպիսիներէն որք իրենց վրայ կեանքի պայքարներուն և տանջանքաներուն հետքերը կը կրեն : Քառասուն տարեկան հասակի մէջ , այլ եւս մի միայն հին մտերմութիւններու վրայ կարելի է վաստահանալ : Ուստի , սիրցնենք զմեղ այն տարիքին մէջ ուր ամէն բան դէպի ի մեղի կու գայ , որովհետեւ ամէն բան շնորհք , թարմութիւն , մաքրասարտութիւն և յոյս է մեր վրայ , որովհետեւ գարնան պէս զեղածիծաղ ենք այն տաեն :

Շատ կը հաւնիմ Տիկին աը Լամպէոի , տեսնելով որ իւր որդւոյն պէս՝ զուստրն ալ կը յարգորէ իւր ծախքերը կանոնաւորել , ցուցամոլութենէ խորշիլ , հաշիւ բռնել , որպէս զի կարենայ աւելի եւս առատաձեռնութեամբ նպաստամատոյց ըլլալ կարօտութեան մէջ եղողներուն :

Մինչեւ իսկ իւր անձը քիչ մը զրկանքի ենթարկել պահանջելու չափ յառաջ կ'երթայ , այնպիսի զրկանքներու որոնք զուարձութեանց և բոլորովին աւելորդ բաներու կը վերաբերին :

ինք շատ լաւ կը ճամնչնայ այն զոհողութեան սդին զոր արթնցնելը բնաւ դժուարին չէ արժանաւոր կնոջ մը վրայ:

Իրմէ կը պահանջէ նաեւ ներկային մէջ ապրիլ, այնպիսի բաղձանքներ միայն ունենալ զար կարելի է օրինաւորապէս զոհացնել, և այլ ամէն տեսակ բաղձանք մերժել:

Այն գործնական խմասաւթեամբ՝ որ գար մը յետոյ, միամիտ Ոփքարտոսին վառքը պիտի համարուէր, կը թախանձէ դեռատի աղջկան իւր ժամանակը լաւ գործածել. ժամանակն որ կեանքն իսկ է: Եւ, այս զիտաւորութեամբ, ուստան ծրագիր մը կը պատրաստէ անոր. կը ցուցնէ թէ ինչ ծանօթութիւններ պարտի ստանալ. վասն զի կ'ուզէ որ կինն իւր միտքը զարդարէ:

Սիրավէպերը բոլորովին կը դատապարտէ. բայց ընթերցանութիւնը չարդիլեր երբեք:

Չուզեր որ կինը զիտութիան մէջ շատ չեռաւոր արշաւանքներ ընէ. չենք զիտեր սակայն թէ այսօր մի և նոյն կարծիքը պիտի ունենա՞ր արդեօք: Խաւագոյն է կ'ըսէ, իւր կարողութիւններուն սահմանէն անդին չանցնիլ: Օգտակար ծանօթութիւնները շատ կը դովէ ի վնաս վերացեալ ծանօթութիւններու: Մոլիէոփ ծաղրաբանութիւնները դեռ չէ մոռցած: Թէպէտ և որքան աւելի բարձր էին իւր դարուն կիններն, որքան հաստատ և ուղիղ էր անոնց զատողութիւնն, առանց սակայն ո՛ւ և է պսակաւորի աստիճան մ'ընդունած ըլլալու:

Իւր գոււստրէն կը պահանջէ այն հլութիւնը որ թոյլ կու տայ խրատ ընդունիլ. բայց սա-

կայն, ոչ այնպիսի հլութիւն մը որ արթնաւ-
մտութեան և խորհրդածութեան յատկու-
թիւններն անօգուտ ըլլալու կը զատապար-
տէ : Կ'ըսէ թէ յաւէտ մեր անձնական լուսով
պարտինք լուսաւորուիլ քան թէ ուրիշներու,
և թէ ուրիշներու զաղափարներն առանց
քննելու ընդունելու չենք : Պէտք է անձամբ
տեսնել, զատել և ազգեցութիւններու բոլո-
րովին անձնատուր չըլլալ, մի և նոյն ժամանակ
ընդունուած խմասուն խրատներէն ալ ող-
տուելով :

Քիչ մայրեր կարող են այսպիսի ազատա-
մտութիւն արտայայտել : Ընդհակառակն ,
զրեթէ ամէնքն ալ կ'ուզեն իրենց զաւակաց
զատողութիւնն իրենց կամքին ներքե ընկճելը

Կը զմայլիմ մարգիզուհւոյն ո՛ւ և է իշխու-
զական բնութենէ զերծ հզօր և հանճարեղ
զորովանքին :

Իւր զաւակաց վրայէն չէ ջնջած այն
նախաձեռնութիւնն , իրենց անձին և իրենց
ծնողաց վրայ այն վստահութիւնը , զոր կը
մարեն յաճախ զեռատի աղջկանց վրայ , և
որուն կորուստը՝ շատ անդամ , անոնց կեան-
քին մէջ մեծամեծ զժբաղզութիւններու պատ-
ճառ կ'ըլլայ :

Ինքնին խորհելու և անդրադառնալու
վարժ՝ և իւր զգացմունքն արտայայտելու
արտօնուած զեռատի աղջիկ մը , զոր կարելի
է այն ատեն մեղմով ուղղել , եթէ հարկ է ,
զժուարաւ կը խարուի :

Զի մատնուիր այն իշխող զաղափարներու
որք կրնան այնպիսի յանցանքներու մղել
զինքն որոնցմէ թերեւս զերծ պիտի մնար

իւր ուղիղ դատողութեամբ, եթէ իւր վրայ բոլորովին ջնջած չըլլային ընդդիմանալու զօրութիւնն . եթէ նա կարենար համարձակիւ ինքինք իւր մօր վստահելու, իւր սիրու մայրական սրտին մէջ պարպելու համար:

Մարդիգուհին յաճախ կը կրկնէ իւր աղջը-կան թէ, լուսագոյն է իւր միտքը մարզել քան թէ իւր յիշողութիւնը զարդարել: Ան-թէնեի պէս կ'ուզէ որ մենք մեր հոգին կազ-մենք: Եւ, ստուգիւ, շատ աննշան բան մեղած կ'ըլլանք մի միայն ուրիշներու ցոլացմունքը մեր վրայ կրելու սահմանափակուելով, առանց երբեք մեր կողմանէ ո՛ւ և է լոյս փայլեցնելու: Խորհինք, մեր դաղափարները պատրաստ չառանանք, և առանց կշռագատելու երբեք ո՛ւ և է սկզբունք մը չընդունինք: Այն ատեն, մենք մեզի հոգի մը, ներքին ապաստան մը յօրինած ըլլալով՝ մեր մէջ պիտի կարենանք դտնել զօրութիւն և մխիթարութիւն:

Կեանքի խոր վիշտերուն և նեղութիւննե-րուն մէջ՝ ուրիշներն ընդհանրապէս շատ չեն կրնար մեզի օգնել:

Տիկին առ Լամպէռ կը բաղձայ որ իւր դուստրն, առանց ո՛ւ և է կարծիք վիրաւորելու, իւր իսկ դատողութեամբ նախապաշարում ներէ զերծ ըլլայ: Այս կերպով շատ նեղու-թիւններէ կ'ազտափինք: Աակայն և այնպէս, հարկ է երեւակայութիւնն ալ կարգաւորել: Մարդ իւր վիշտերը չափազանց կը գրգռէ, ինչպէս որ չափէն աւելի տրամադիր է իւր երջանկութիւնը փառաբանելու:

Կը կրկնէ թէ պէտք է ինք իրեն բաւել, աշխարհի և իրերու շատ չկապուիլ և թէ մեկուսացումը միշտ օգտակար է:

Թերեւս քիչ մը չափազանց պազութիւն
և անտարբերութիւն քարողել է այս Բայց
և այնպէս, հոգեկան խաղաղութիւնը դա-
տաղութեան յաղթանակաւ միայն կրնայ
ստացուիլ: Եւ բոլոր իմաստասէրք յանձնա-
բարած են այս մեկուսացոմը: Տարակոյս
չկայ թէ աւելի զիւրին է կիրքերը նախա-
պէս արգիլել քան թէ ապա անոնց յաղթել
և անոնցմէ զգուշանալ: Չատ բուռն կերպով
բաղձալը վտանգաւոր է, որէաք է չբաղձա-
լու ջանալ: Բազմամարգութեան մէջ շատ
բանի կը բազմացուի, և յակամայու:

Կենցաղավարութեան վերաբերեալ իւր
խրաները շատ իմաստուն են: Եթէ ամէն
աշխարհասէր կիներ իրենց մօր ծունկերուն
վրայ այսպիսի գասեր առած ըլլային, այսօր
շատ ընտանիքներու ընդունելութեան սրահ-
ներուն մէջ գործուող այն կարդ մը խորա-
մանկութիւններն եւ այն հաղարաւոր փոքր
անարժանաւորութիւններն որք միշտ հակա-
ռակորդութեան ոգիէն և նախանձէ յառաջ
կու գան, մեղի ծանօթ չէին ըլլար: Կիները
պատուաւոր մարդու բարեմասնութիւնները
կ'ունենային, ամբողջ կանացի շնորհքներով
զարդարուած:

Ի՞նչ ազնիւ և սիրուն բնաւորութիւններ
պիտի զմայլեցնէին այն բարեբարոյ անձերն՝
որոնք այլ եւս կանոնաւորապէս հեռու պիտի
չփախչէին մարդկային ընկերութենէն, որուն
մանր տգեղութիւններն և ունայնութիւնը
զգուեցուցած են զանոնք: Այլերը պիտի
ազնուանային այնպիսի կիներու քով, ո-
րոնց արժանիքին հաւասարելու պիտի փա-
փաքէին:

Տիկին աը Լամպէո, ինք ատկէ վշտակրած ըլլալուն համար, թերեւս, տագնապալից հոգածութեամբ մը սէրէն կը զգուշացնէ իւր դուստրը: Մինչեւ իսկ կը խրատէ զինքը չկարդալ այն վշտին նկարագրութիւնն՝ (որ շատ խիստ և չատ սրաայոյզ է իւր կարծիքով) զոր զգաց Սուրբ Յղոստինոս, երբ պարտաւորուեցաւ սէրն իւր սրտէն արմատախիլ ընել: «Խնձմէ կը բաժնէի զայն որ կենակից էր ինձ, կը զրէ Սրբուհի Մոնիքայի որդին, և, որովհետեւ իմ հոգիս խորագէս կցուած էր իւր հոգւոյն, պատռեցաւ և խորտակուեցաւ. և այդ պատճառաւ սիրտս արիւնեցաւ»:

Խոհեմազարդ մայրը կ'ուզէ որ իւր զուստրըն ինքինք զերծ պահէ նաեւ երաժշտութեան և բանաստեղծութեան հրապոյրներէն, որոնք սիրտը փափկացնելով, շատ անզամ տեղ կը պատրաստեն սիրոյ:

Կը դատապարտէ մանաւանդ կարգ մը թատերական ներկայացումներն և այն ամէն զուարձութիւններն, որոնք սիրելու կամ սիրուելու բաղձանքը կը դրգուեն:

Կ'ուզէի սակայն որ անոր խօսած ըլլար թոյլ տրուած, օրէնեալ սիրոյ վրայ, այսինքն ամուսնական սիրոյ վրայ. զարդացնելով միանգամայն անոր վրայ մայրական հզօր սէրն որ, ապաւէն կ'ըլլայ ամուսնացեալ կնոջ, այն պարագային որ իւր խանդաղատանքը չդնահատուի և անարգուի:

Այս պակասը չի կրնար սակայն արգելք ըլլալ այս գրքին՝ օգնելու մայրերու իրենց դուստրերը խորագէտ և քաջասիրտ, վայե-

լուչ և ողջամիտ, հիմնովին պատռւաւոր և
մեծ նկարագրի և ազնիւ սրտի տէր կիներ
պատրաստելու:



«Կանանց վրայ քանի մը խորհրդածու-
թիւններ»ուն մէջ, Տը Լամպէս մարքիզու-
հին իւր համասեռները կը յորդորէ պատըս-
պարուիլ այն ազնիւ զգուշաւորութեամբ որն
որ կնոջ իրր ամէնէն զմայլելի շնորհքներէն
մին ճանչուած է:

Բայց իւր յանձնարարածը կեղծ պարկեշ-
տութիւնը չէ: Այն դաժան, ահաճ կերպա-
րանքը չէ որ կը գովիէ, որուն աէր եղողներն
ամէն առթիւ և ամենաջնջին պատճառաւ-
ծաղրելի կ'ըլլան. այլ այն փափուկ զգուշա-
ւորութիւնը՝ զոր այր մարդիկ բնաւ չվիրա-
ւորելու աստիճանն կը յարդեն և կը դնա-
հատեն:

Վարդիզուհին սքանչելի նկարագրութիւն
մը կ'ընէ սրտի սիրոյ, ապահովապէս այն
սիրոյն զոր միայն ըմբռնած է ինքն և ո-
րուն միայն հաւանութիւն կը յայտնէ: Կը
փափաքի որ ամէն մարդ բոլորովին անա-
րատ զգացումներու պարդեւած երջանկու-
թենէն բաժին ունենայ:

Կը ջանայ նաեւ ապացուցանել թէ այն
կինն որուն միտքը մշակուած և դատողու-
թիւնը զարգացած է, ամէնէն աւելի բաղճալի
և ամէնէն աւելի սիրուելու արժանի էակն
է. և որ նաեւ ամէնէն աւելի լաւ գիտէ
սիրել:

Այն կինն որ իւր խելքը կը գործածէ, որ
ուսմունքով աւելի շատ բարեմասնութիւն-
ներու տէր կ'ըլլայ, աւելի լաւ սովորու-
թիւններ և աւելի կանոնաւոր կեանք մը
կ'ունենայ, և աւելի եւս կարող է երջանիկ
ընելու: Միաքն որքոն որ նուազ տղայական
ըլլայ, զգացումն այնքան զօրաւոր կ'ըլլայ:
Պատուական մայրերը, լաւ կողակիցներն,
երրեք թեթեւամիտ կիներ չեն:

Կը հաստատեմ թէ չկրնար գտնուիլ կին
մը որ ինքզինք երջանիկ չհամարի իմաստուն
մարդիզուհոյն թանկագին յորդորներուն
հետեւելով, որն որ իւր ժամանակին ամէ-
նէն նշանաւոր և ամէնէն հաճելի մեծ տի-
կիններէն մէկն էր:

ՏՅԱՌՊԵՐ ՄԱՐԳԻԶՈՒՀԻՈՑ

ԽՐԱՏՔ ԱՌ ԴՈՒՏԵՐՆ ԵԿԲ



Ազնկանց դաստիարակութիւնը միշտ անկարեւոր նկատուած է, այրերու միայն ուշադրութիւն կ'ընծայուի, և, իբր թէ կիւները դաս ցեղ մ'ըլլային, զանոնք իրենք իրենց կը բքանեն, բոլորովին անօդնական, առանց խորհելու թէ անոնք աշխարհի կէսը կը կազմեն, թէ ի հարկէ զանազան կապերով անոնց կապուած են, թէ անոնք կրնան երջանիկ կամ ապերջանիկ ընել մարդիկն, որոնք միշտ զանոնք ողջամիտ գտնելու պէտքը կը զգան, թէ անոնց ձեռքով է որ տուներ կը շինուին կամ կը կործանին և թէ անոնց յանձնուած է մանկանց դաստիարակութիւնը, ծաղիկ հասակի մէջ, ուր ամէն տեսակ տապաւորութիւններ աւելի զօրաւոր են և աւելի խոր: Ի՞նչ կ'ուզին որ անոնք անոնց ներշնչեն, քանի որ զանոնք եւս մանկութեան մէջ տան հոգաբարձուներու ձեռք կը թողուն. որոնք, առ հասարակ ժողովրդեան ուամիկ զասակարգէն առնուած ըլլալով, ստորին զգացումներ կը

Ներշնչեն անոնց, որոնք բոլոր վեհերոտ յօ-
ժարութիւնները կը զրդուեն և աւելորդա-
պաշտութիւնը կրօնքի տեղ կ'անցնեն:

Հաւագոյն էր մանաւանդ ժառանգական
ընելու ջանալ կարգ մ'առաքինութիւններ,
զանոնք մօրմէն զաւկին փոխանցելով, քան
թէ հարստութիւն պահել իրը ժառանգու-
թիւն: Ուստի դեռատի աղջկանց տրուած-
դաստիարակութեան չափ սխալ ըմբռնուած-
րան չկայ:

Հաճելի ըլլալու կը սահմանեն զանոնք.
զուարձութեանց վերաբերեալ դասեր միայն
կու տան անոնց և անոնց անձնասիրութիւնը
կը զօրացնեն. մեղկութեան, աշխարհի և
ծուռ դադափարներու գերի կ'ընեն զանոնք
և բնաւ առաքինութեան և արիութեան
դասեր չեն տար անոնց: Անիրաւութիւն է,
կամ աւելի ճիշդն ըսելով, յիմարութիւն է
կարծել թէ այդպիսի դաստիարակութիւն
մը վնասակար չըլլար անոնց:

* * *

Աղջիկո, յարգելի ըլլալու համար, բաւա-
կան չէ արտաքուստ միայն ինքզինք վայել-
չութեան օրէնքներուն ենթարկել. զգացում-
ներն են որ նկարագիրը կը կազմեն, մտքին
առաջնորդ կ'ըլլան, կամքը կը կառավարեն
և որ մեր բոլոր առաքինութեանց իրակա-
նութեան և տեւականութեան կ'երաշխա-
ւորեն:

Ի՞նչ բան պէտք է որ ըլլայ այդ զգա-
ցումներուն հիմը. կրօնքն: Երբոր նա քան-

դակուած ըլլայ մեր սրտին մէջ, այն առեն
ամէն առաքինութիւններն այդ աղբիւրէն
պիտի բզիսին, և ամէն պարտաւորութիւններ
պատշաճապէս կարգի պիտի մտնեն:

Դեռատի աղջկանց վարքին ուղղութեան
համար բաւական չէ միայն ստիպել զանոնք
իրենց պարտաւորութիւնը կատարելու, այլ
պէտք է նաև զայն իրենց սիրցնել: Ճնշումն
արտաքին անձին բռնակարն է, որ չկրնար
երրեք ներքին անձն հնազանդեցնել:

Երրոր վարքի կանոն մը կը ծրագրուի,
պէտք է որ անոր պատճառներն ու ցու-
ցուին, և ինչ բանի համար որ խրատ կը
արուի, պէտք է նախ այդ բանին համար
յօժարութիւն ներշնչուի:

*
* *

Այնքան շահ ունինք առաքինութիւն գոր-
ծելով որ պէտք չէ երրեք իրր մեր թշնամին
նկատենք զայն, այլ իրր աղբիւր երջանկու-
թեան, փառքի և սրտի ու հոգւոյ խաղա-
ղութեան:

Աշխարհի մէջ կը մտնես, աղջիկս, մտիր
հոն բարոյականի ուղիղ սկզբունքով, վասն
զի կեսնքի մէջ քեզի պատահելիք բանե-
րուն դէմ որքան որ ինքզինքդ ամրացնես՝
դարձեալ քիչ է: Բեր հոն բոլոր հաւատքդ՝
ազնիւ զգացումներով սնունդ տուր անոր՝
սրտիդ մէջ. և մտիր մէջ զօրացուր զայն
լաւ խորհրդածութիւններով և պատշաճ ըն-
թերցանութիւններով:

Ոչ ինչ աւելի նպաստաւոր և աւելի կա-

ըեւոր է քան պահելն այնպիսի զգացում
մը՝ որ հաճելի ապագայ մը կը պարգեւէ
մեղ, որ սիրել և յուսալ կու տայ մեղ, որ
ո և է ժամանակն յարմար կ'ընծայէ, որ մեր
ամէն պարաւորութիւնները կ'ապահովէ,
որ մեր անձին համար մեզի կ'երաշխաւորէ,
և որ ուրիշներու հանդէպ դարձեալ մեր
երաշխաւորն է:

Խ՞նչ օգնութիւն չի կրնար մատուցանել քեզ
կրօնքը, քեզի սպանացող չարիքներու դէմ.
վասն զի կարդ մը զժբազզութիւններ պա-
հուած են քեզ անտարակոյս: Հին իմաստա-
սէր մը կ'ըսէր թէ, իւր առարինուրեան վեր-
արկուով կը պատսպարուիր: Դու ալ կրօնքիդ
վերարկուով պատսպարուէ. նա մեծ օգ-
նութիւն պիտի մատուցանէ քեզ, երիտա-
սարդութեան տկարութեանց դէմ, և ապա-
հով ապաստան մը պիտի ըլլայ քեզ համար,
աւելի յառաջացած տարիքի մը մէջ:

Այն կիններն որ իրենց միտքը ժամանակի
առածներով միայն սնուցած են մեծ ունայ-
նութեան մը մէջ կ'իյնան, երբոր իրենց
տարիքն առնեն. աշխարհ կը լքանէ զիրենք
և իրենց դատողութիւնն ալ իրենց կը հրա-
մայէ որ իրենք ալ զաշխարհ լքանեն:

Խ՞նչ բանի յենլու է այն ատեն: Անցեալը
ցաւեր կը հայթայթէ և ներկայն՝ վիշտեր,
խոկ ապագան՝ երկիւղներ: Կրօնքը միայն
զամէնքը կը մեղմացնէ և ամէնուն դէմ կը
միսիթարէ. զքեզ Աստուծոյ հետ միացնելով՝
թէ աշխարհի և թէ քու անձիդ հետ կը
հաշտեցնէ:

* * *

**Աշխարհի մէջ մանող գեռատի աղջիկ մը
Հոն գանելու երջանկութեան վրայ բարձր
գաղափար մը կը կազմէ . և այդ գաղափարն
իրագործել կը ջանայ , որմէ յառաջ կու զան
իւր բոլոր տաղնապներն : Իւր գաղափարն
հետապնդելով՝ կատարեալ երջանկութիւն մը
կը յուսայ . որուն արգիւնքը կ'ըլլայ ան-
խորհրդութիւն և անհաստատմատութիւն :**

**Աշխարհայինն հաճոյքները խարսուիկ են .
շատ կը խոսանանան լայց քիչ կը շնորհեն .
զանոնք հետապնդելով՝ անհանդիս կ'ըլ-
լանք , անոնց տիրանալով՝ չենք իրնար յա-
գենալ , իսկ զանոնք կորանցնելով՝ կը յու-
սահատինք :**

**Բաղձանքներդ ուզգելու համար , խորհե-
թէ քեզմէ գուրու երրեք պիտի չկարենաս
դանել ոչ հաստատուն և ոչ տեւական եր-
ջանկութիւն : Պատիւ և հարստութիւն երկար
ժամանակ զգալի չեն ըլլար . անոնց ստա-
ցումը նորանոր բաղձանքներ յառաջ կը ըե-
րէ . հաճոյքներու չափազանց վարժութիւնը
զանոնք կ'անհետացնէ :**

**Դեռ անոնց համը չառած՝ իրնաս անոնց-
մէ հրաժարիլ . փոխանակ թոյլ տալու որ
ստացումը պիտանի ընէ քեզ այն բանն որ
բոլորովին աւելորդ էր . վասն զի այն ատեն
աւելի անհանդիս տժգոհ պիտի ըլլաս քան
թէ առաջ . զանոնք ստանալով՝ անոնց կը
վարժիս , և զանոնք կորանցնելով՝ զրկանք
և պէտք կը զգասաւ : Ինչ որ զգալի կ'ըլլայ ,
այն ալ միմիայն վիճակէ մը ուրիշ վիճակ**

մանցնիլն է . այսինքն դժբաղութեան ժամանակ բարեբաղզութեան ժամանակէ մը բամնող միջոցն է այն : Հազիւ թէ վարժութիւնը կը ստացուի , հաճոյքին զգացումը կը մարի : Յոյժ շահաւոր կ'ըլլար եթէ կարենայինք անմիջապէս մեր ողջմտութենէն քաղել այն ամէն բան որ պէտք է մեր երջանկութեան համար :

Փորձառութիւնը վերջապէս զմեղ առ մեզ կը վերադարձնէ . բայց զգուշացիր որ շատ սուզ չստանաս զայն . և կանխաւ դու քեզի ըսէ , այնպիսի հաստատ կերպով մը որ զքեզ ամրապնդէ . « Ճշմարիտ երջանկութիւնն հոգւոյ խաղաղութեան , ողջմտութեան և մեր պարտաւորութեանց ճշգիւ կատարման մէջ կը կայանայ » : Աղջիկս , այն ատեն միայն երջանիկ համարինք զմեղ , երբոր զգանք թէ մեր հաճոյքներն և մեր ուրախութիւնները մեր հոգւոյն խորէն կը բղիսին :

*
* *

Արդարեւ այս խորհրդածութիւնք շատ ծանր են զեռատի աղջկան մը համար և աւելի հասուն հասակի մը կը պատկանին , այլ սակայն , ես զքեզ ատոնց ատակ կը կարծեմ . և միանգամայն ինքզինքս կը հրահանգեմ : Դիւրին չէ իմաստութեան սկըզբունքները խորապէս դրոշմել մեր սրտին մէջ . ատոնց թողած հետքը միշտ թեթեւ է . բայց պէտք է համոզուիլ թէ խորհրդածութեամբ զբաղող և իրենց սիրտն ընտիր սկըզբունքներով օժտողներն աւելի մօտ են

առաքինութեան, քան թէ զանոնք և բաց
մերժողները:

Ըստ որում գերազգ կ'ըլլանք մեր պար-
աւորութեան մէջ թերանալով, պէտք է
ուրեմն զայն սիրենք: Ուստի, աղջիկս, այս
սկզբանքները միշտ մեզի օդնական ունե-
նանք, առաքինութեան հասնելու համար:

* * *

Կրկու նախապաշտում կայ, կ'ըսեն,
որոնց պէտք է հնազանդիլ, կրօնք և պա-
տիւ: Կրօնքը նախապաշտում համարելն
անոր վրայ չարախօսել է, նախապաշտարումը
կարծիք մըն է որ կրնայ թէ՛ մոլորութեան
և թէ՛ ճշմարտութեան ծառայել, և այս ա-
նունն անստոյդ բաներու միայն կրնայ աըր-
ուիլ. բայց կրօնքն անստոյդ բան չէ:

Պատիւը թէպէտ և մարդոց հնարած բանն
է, սակայն և ոչ մէկ բան այնքան ստոյդ չէ
որքան այն չարիքներն որոնցմով կը տառա-
պին այնպիսիներն որք ուզած են անկէ-
խուսափիլ. անոր գէմ ըմբոստանալը վասն-
գաւոր է, մանաւանդ թէ պէտք է պատույ
զգացումը զօրացնելու աշխատիլ, որովհետեւ
նա քու կեանքդ պիտի բարեկարգէ և որով-
հետեւ ոչ մէկ բան աւելի հակառակ չէ
հանգստութեան և մեզի աւելի անորոշ վարք
մը չի տար՝ քան թէ մէկ կերպով խորհիւն
և տարբեր կերպով գործելը: Տուր քեզի,
որքան որ կարենաս, այն վարքի զգացմուն-
քը զորս պէտք է պահել: Զօրացնը ուրեմն
այդ պատույ նախապաշտումն, և թող

փափկանկատութիւնդ մինչեւ խղճահարութեան աստիճանին հասցնէ զայն:

Այս սկզբունքներու մասին անփոյթ մ'ըլլար: Կանանց առաքինութիւնը իրր թէ սուվորութեան վերաբերեալ հասարակ առաքինութիւնն մը մի նկատեր. մի վարժիր կարծելու թէ պարտաւորութեանցդ պահանձած հարկը վճարելու համար բաւական է ինքզինքդ աշխարհի աշքէն հեռու պահել: Երկու անխուսափելի ատեան ունիս, որոնց պիտի ներկայանաս անվրէպ. խիղճդ և աշխարհ: Կրնաս աշխարհէն խուսափիլ, բայց կարելի չէ խղճի գատաստանէն խուսափիլ: Նախ դու քեզի համար պէտք է որ կարենաս վկայել թէ պատուաւոր անձ մըն եռ: Այլ սակայն, հասարակաց վկայութիւնն ալ պէտք չէ անկարեւոր նկատել. վասն զի, առաքինութեան արհամարհանքը բարի համբաւն արհամարհելէն յառաջ կու դայ:

Երբ որ քիչ մ'աշխարհի հետ ծանօթանս, այն ատեն պիտի հասկնաս թէ, պարտաւորութեանդ հաւատարիմ մնալու համար հարկ չկայ որ օրէնքները քեզի սպառնան. այդ մասին անփոյթ եղողներուն օրինակը, զանոնք հալածող աղէտները բաւական են նոյն իսկ ամէնէն սաստիկ հակամիտութիւնը կասեցնելու. վասն զի չի կրնար գտնուիլ աշխարհասէր կին մը որ, անկեղծաբար խօսելով, շխոստովանի քեզի թէ, աշխարհի մէջ ամէնէն մեծ դժբաղդութիւնն ինքզինք մոռնալն է:

Ամօթն այնպիսի զգացում մըն է որմէ մեծամեծ օգուտներ կրնանք քաղել, զայն

լաւ գործածելով. խօսքս այն վատ ամօթի վրայ չէ առկայն, որ մեր հանդիսար վրդովելու միայն կը ծառայէ, առանց երբեք մեր բարքերուն նպաստելու, այլ այն ամօթն ըսել կ'ուզեմ, որ անպատիւ ըլլալու երկիւզը մեզ ազգելով՝ զմեզ չար ճանապարհէ կը զգուշացնէ։ Պէտք է խոստովանիւ թէ այդ ամօթը շատ անգամ կանանց առաքինութեան ամէնէն հաւատարիմ պահապանն է։

* * *

Մեծ առաքինութիւններ կան որոնք եթէ մինչեւ աստիճան մը հասնին, շատ թերութիւններ կրնան ներելի ընել, զոր օրինակ, այրերու վրայ գերազոյն արիութիւն և կիւներու վրայ ծայրագոյն համեստութիւն։ Ամէն բան կը ներէին Ազրիպալինայ, Գերամանիկոսի կնոջ, ի շնորհս իւր պարկեշտութեան։ Այս իշխանուհին փառասէր էր և հպարտ, բայց, կ'ըսէ Տակիտոս, « Իւր բուր կիրքերն իւր պարկեշտութեամբ որբագործուած էին »։

Եթէ գիւրազգած և դժուարահաճ ես բարի համբաւի մասին, եթէ էական առաքինութիւններու մասին թշնամանուելէ կը վախսաս, ապահով միջոց մը կայ վախերդ փարատելու և դիւրազգածութիւնդ գոհացնելու համար. որ է ճշմարտապէս առաքինի ըլլալ։ Այս միայն ջանա զգացումներդ ուղղել և մաքրել. այսինքն թէ բանաւոր ըլլան անոնք և յոյժ պատուաւոր։ Ջանա դու քու անձէդ գոհ ըլլալ. ճշմարիտ հաճոյքներու եկամուտ

մըն է այս և ատկէ զատ, գովեստ և բարի համբաւ ալ կ'ունենաս . ճշմարիտ առաքինութիւններ ունեցիր և բաւական հաւանողներ կը գտնես :

Այս ափայլ առաքինութիւնք բնաւ կանանց բաժինը չեն, այլ միայն պարզ և անշշուկ առաքինութիւնք : Համբաւը բնաւ մեզմով չի զբաղիր: Հին իմաստասէր մը կ'ըսէ թէ, մեծ առաքինութիւնք այրերու համար են . և կիններու համար իրը միակ արժանիք կը սահմանէ անծանօթ մնալ: «Գովութեան արժանի եղողները, կ'ըսէ, բնաւ շատ գովեստ ընդունողները չեն, այլ անոնք՝ որոնց վրայ երբեք չի խօսուիր»: Այս գաղափարը սիսալ կը թուի ինձ . բայց, այս առածն ուղղելու համար, կարծեմ թէ պէտք է զգուշանալ աշխարհի ժխորէն և պերճանքէ, որոնք միշտ համեստութեան կը սպառնան, և ինքն իւր անձին հանդիսատեսն ըլլալով բաւականանալ:

* * *

Կանանց առաքինութիւնք դժուարաւ կը ստացուին, վասն զի փառքը չ'օգներ ատոնց գործազրութեան: Իւր տան մէջ ապրիլ, իւր անձն և իւր ընտանիքը միայն բարեկարգել, պարզասէր, ուղիղ և համեստ ըլլալ. ասոնք են ահա այն առաքինութիւնք՝ որոնք սակայն տաժաննելի կը թուին, վասն զի անշան են: Պէտք է ճշմարիտ արժանիք ունենալ, փառասիրութենէ հեռու փախչելու համար, և արիութիւն՝ մի միայն ինքն իւր

աշաց առաքինի երեւնալու հաւանելու հաւամար: Անձութիւն և համբաւ նեցուկ կ'ըլլան մեր տկարութեան, վասն զի նշանաւոր և բարձր ըլլալու բաղձանքն ալ տկարութիւն մըն է: Հոգին կը համդչի հասարակաց հաճութեան մէջ և ճշմարփտ փառքն անկէ հրաժարելու մէջ կը կայանայ:

Արդ, ջանա որ փառքը քու դործերուդ շարժառիթը չըլլայ. բաւական է միայն եթէ նա ատոնց վարձատրութիւնն ըլլայ:

Ազիկու, պէտք է համոզուիլ թէ կատարելութիւն և երջանկութիւն զիրար կ'ամբ բացնեն. թէ միմիայն առաքինութեամբ կրնաս երջանիկ ըլլալ, և զրեթէ միայն անկարգութեամբ ապերջանիկ:

Թող իւրաքանչիւր ոք խստիւ ինքինք քննէ, պիտի տեսնէ թէ, ո և է թերութենէ մը՝ կամ առաքինութեան մը զանցառութենէն յառաջ եկած ցաւէն աւելի սաստիկ ցաւ չէ զգացուած երբեք: Անմեղութիւնը կորունցնելէ յետոյ, անմիջապէս վիշտը կը հասնի. մինչդեռ առաքինութեան կը հետեւի քաղցր զգացում մը, որ անոր հաւատարիմ եղողներուն անվրէպ վարձատրութիւնն է:

* * *

Մի կարծեր սակայն թէ քեզի համար միակ առաքինութիւնը պարկեշտութիւնն է. շատ կիներ կան որ անկէ ուրիշ առաքինութիւն չեն ճանչնար. այնպէս համոզուած են թէ, նա ընկերական կեանքի վերաբերեալ բոլոր

պարտաւորութիւններէն զիրենք կ'արձակէ։ Անոնք կը կարծեն թէ իրաւունք ունին բոլոր միւսերը զանց առնելու և անպատիժ հպարտ և բամբասող ըլլալու։ Աննա որ Պոլթաներ, ամբարտաւան և գոռող իշխանուհին Լուգովիկոս ԺԲԸ կը չարչարէր, և այս բարեսիրտ իշխանն անոր զիջում ընելու ատեն, շատ անգամ կ'ըսէր. «Պէտք է անպատճառ փոխարէն հատուցանել կանանց պարկեշտութեան»։ Զըլլայ թէ դու քու պարկեշտութեանդ փոխարէն պահանջես. ընդ հակառակն, խորհէ թէ այնպիսի առաքինութիւն մըն է այն որ քեզի միայն կը պատկանի և թէ իւր փայլը շատ կը կորուցնցնէ եթէ ուրիշ առաքինութիւններ անոր չմիանան։

Պէտք է փափուկ պարկեշտութիւն մ'ունենալ։ Ներքին անկարգութիւնը որտէն ի բերան կ'անցնի, որմէ յառաջ կու գան անվայելու խօսքեր։ Ամէնէն սաստիկ կիրքերն իսկ պէտք ունին պարկեշտութեան, գրաւիչ կերպարանքով մը ներկայանալու համար. պէտք է որ նա քու ամէն գործերուդ վրայ տարածուի. պէտք է որ նա քու բոլոր անձդ զարդարէ և գեղեցկացնէ։

Կ'ըսեն թէ Արամազդ, զգացումներն ստեղծելու ատեն, իւրաքանչիւրին բնակարան մը յատկացուց. պարկեշտութիւնը մոռցուեցաւ, և, երբոր նա եկաւ ներկայացաւ, չէին գիտեր թէ ուր զետեղեն զինքը. թոյլ տուին իրեն բոլոր միւսերուն հետ խառնուելու։ Այն ատենէն ի վեր, նա անոնցմէչ բաժնուած. մտերիմ է ճշմարտութեան

և անոր վրայ յարձակիլ համարձակող ստութիւնը կը մասնէ . սիրոյ հետ կապուած միացած է մասնաւորապէս . միշտ անոր կ'ընկերակցի և շատ անդամ զայն կ'արտայայտէ և ի վեր կը հանէ . վերջապէս , առանց անոր՝ սէրն իւր գեղեցկութիւնը կը կորսնցնէ : Պարկեշտութիւնը մեծ ջահ մընէ գեռատի աղջկանց համար :

Արդ համեստութիւնն ըլլայ քու առաջին զարդգ . նա մեծամեծ օգուաներ ունի . գեղեցկութիւնը կ'աւելցնէ և տղեղութեան իրր քող կը ծառայէ . համեստութիւնը գեղեցկութեան յաւելուածն է : Տգեղութեան մեծ զժրազդութիւնն այն է որ կանանց արժանիքը կը նսեմացնէ և կը թաղէ : Մաքի և սրտի յատկութիւնները գեղեցկութենէ զուրկ դէմքի մը ներքեւ չեն փնտութիր երբեք . մեծ բան մը եղած կ'ըլլայ եթէ արժանիքը կարենայ արտաքին անհաճոյ երեւութէն դուրս ցայտել :

* *

Թէպէտ և դու բոլորալին շնորհազուրկ չես ծնած , բայց և այնպէս յոյժ գեղեցիկ ալ չես . ուստի պարտաւոր ես արժանիք ստանալու . վասն զի , բան մը պիտի չներեն քեզ երբեք : Գեղեցկութիւնը մեծ առաւելութիւններ ունի : Հին իմաստասէր մը կ'ըսէթէ «նա կարճատեւ բռնակալութիւն մըն է . բնութեան առաջին առանձնաշնորհութիւնն է այն և թէ գեղեցիկներն իրենց ճակտին վրայ յանձնարարագրեր կը կրեն » : Գեղեց-

կութիւնը քաղցրութեան զգացում մը ներշնչելով՝ կը յանկուցանէ։ Եթէ երբեք այդ նախապատռութիւնը չունիս, խստիւ պիտի քննադատեն զքեզ։

Արդ, ջանա որ կերպարանքիդ կամ շարժուձեւերուդ մէջ չգտնուի այնպիսի բան մը՝ որ կարծել տայ թէ զու ինքզինքդ կը մոռնաս։ Միջին աստիճան գեղեցկի մը յանձնապատան կերպարանքը զայրոյթ կը պատճառէ։ Զանա որ ոչ խօսակցութեանդ և ոչ զարդարանքիդ մէջ արուեստ չնշմարուի, և կամ զոնէ զժուարաւ նշմարուի։ ամէնէն նուրբ արուեստն այն է որ աննշմարելի կը մնայ։

Այսուհանդերձ տաղանդն ու վայելչութիւնն ալ զանց առնելու չէ երբեք, քանի որ կանայք հաճոյ ըլլալու սահմանուած են։ բայց ջանալու է յաւէտ հաստատուն արժանիք մը ստանալ, քան թէ սնոտի իրերով զբաղիլ։ Գեղեցկութեան իշխանութենէն աւելի կարճատեւ բան չկայ. և միմիայն գեղեցիկ ըլլալ ջանացող կիներու կեանքի վերջաւորութենէն աւելի տխուր բան չկայ։

Եթէ ոմանք արտաքին շնորհալի երեւութիդ ազդեցութեամբ սկսին քեզի կապուիլ, բարեկամութեան վերագրէ զայդ և ջանա որ արժանիքիդ ազդեցութեամբ անոնք քեզի կապուած մնան։ Դժուար է հաճելի ըլլալու ձիշտ կանոններ սահմանել։ Բնաձիր շնորհքներն առանց արժանիքի չեն կրնար երկարժամանակ հաճելի ըլլալ և արժանիքն առանց բնատուր շնորհքի կրնայ ինքզինք յարգել տալ, առանց յուղելու։ ուստի,

պէտք է որ կանայք հաճելի արժանիք մ'ուն
նենան և իրենց բնածիր շնորհքներն առաւ-
քինութեանց միացնեն:

Կանանց առաքինութիւնը պարզապէս
պարկեշտութեան մէջ չեմ սահմանափակեր,
այլ զայն աւելի եւս կ'ընդլայնեմ: Պատուա-
ւոր կին մը այր մարգու առաքինութիւն-
ներն ունի, զոր օրինակ բարեկամութիւն,
ուղղամտութիւն և իւր պարտաւորութեանց
հաւատարմութիւն. հաճելի կին մը ոչ միայն
արտաքին՝ այլ նաեւ սրտի և զզացմանց
շնորհք պարտի ունենալ:

Ո՛չ մէկ բան այնքան զժուարին չէ որքան
հաճելի ըլլալն առանց աեսակ մ'ուշազրու-
թեան, որ քիչ մը պչչանքի կը նմանի: Կա-
նայք յաւէտ իրենց թերութիւններով հաճելի
կ'ըլլան աշխարհասէր անձանց, քան թէ ի-
րենց բարեմասնութիւններով, վասն զի, այդ-
պիսի անձինք հաճելի կանանց տկարութիւն-
ներէն օդուտ քաղել կ'ուզեն. անոնց առաքի-
նութիւններն անօգուտ են իրենց համար:
Յարգելը բնաւ չեն սիրեր և աւելի կ'ախոր-
ժին նուազ յարգելի կանանց հետ զուարձա-
նալ, քան թէ առաքինի կանանց վրայ զմայ-
լելու ստիպութիւն:



Հաճելի ըլլալ ուզողը պէտք է որ մարդ-
կային սիրտը ճանչնայ, մարդոց սիրտը շատ
աւելի կը շարժի այն բանով որ նոր է, քան
թէ անով՝ որ ընտիր է. բայց այդ նորու-
թեան ծաղիկը քիչ կը դիմանայ. նորու-

թեանը համար հաճելի եղած բան մը, հուսկ յետոյ սովորական դառնալով՝ անհաճոյ կ'ըլլայ: Նորութեամբ միանգամայն հաճելի ըլլալու համար, պէտք է իւր վրայ օգնութեան շատ աղրիւրներ և զանազան արժանիք ունենալ. մի միայն հաճոյք պատճառելով բաւականանալու չէ. պէտք է նաեւ վայելչութեան և արժանիքի զանազանութիւնն մը ներկայացնել մտքին, զգացմունքը զօրացնելու՝ և մի և նոյն առարկայի վրայ փոփոխականութեան բոլոր հաճոյքը վայելել տալու համար:

Դեռասի աղջիկներն հաճելի ըլլալու սաստիկ բաղձանք մ'ունին ի ծնէ. և որովհետեւ փառքի և իշխանութեան ճամբանները դոց կը դտնեն, ուրիշ ճամբու մը կը հետեւին իրենց նպատակին հասնելու՝ և գոնէ իրենց արտաքին չնորհքներուն օգնութեամբ իրենց վնասին հատուցումն ստանալու համար: Գեղեցկութիւնն իրեն տէր եղող կինը կը խարէ, հոգին կը շլացնէ. այլ սակայն, ուշագրութիւն ըրէ որ գեղեցիկ կնոջ մը՝ և այլեւս իւր գեղեցկութիւնը կորսնցուցած կնոջ մը միջեւ յոյժ սակաւաթիւ տարիներու տարբերութիւն մը միայն կայ: Հաճելի ըլլալու այդ չափազանց բաղձանքին յաղթէ. կամ գոնէ նշմարել մի տար զայդ:

Զարդարանքի սահման որոշելու է և խելքն ու միտքն անոր տալու չէ: Ճշմարիտ չնորհքը չափազանց սեթեւեթեալ զարդարանքէ մը կախում չունի: Նորաձեւութիւնն իրը անտանելի ստրկութիւն մը նկատելով գոհացնելու է և միմիայն մերժելն անկարելի եղող բանը տալու է անոր:

Նորաձեւութիւնը բանաւոր եղած կ'ըլլար,
եթէ կարենար կատարելութեան, հանգստու-
թեան և վայեշութեան յատկանալ. բայց
անդադար ձեւափոխելն յաւէտ փոփոխա-
մութիւն է քան թէ բարեկրթութիւն և ըն-
տիր ճաշակ:

Ընտիր ճաշակը չափազանց դժուարահա-
ճութիւնը կը մերժէ. աննշան բաներու հետ
անտարբեր կերպով կը վարուի և ատոնց
բնաւ կարեւորութիւն չընծայեր:

Մաքրասիրութիւնը չնորհք մըն է և հա-
ճոյական բաներու դասակարգին կը պատ-
կանի. բայց եթէ չափազանցութեան մղուի,
անմիջապէս տկարութեան կը փոխուի. խե-
լացութիւն է նուազ կարեւորութիւն ունե-
ցող բաներու համար անփոյթ դժնուիլ, քան
թէ ատոնց մասին չափազանց դժուարահաճ
ըլլալ:

* * *

Դեռատի աղջիկները ձանձրանալու հա-
կամէտ են. ըստ որում տակաւին բանի մը
վրայ ծանօթութիւն չունին, մտատանջու-
թեամբ դէպ ի նիւթական բաները կը հա-
կին. այսուհանդերձ, ձանձրոյթն երկիւղալի
շարիքներու փոքրագոյնն է իրենց համար:

Սրտաքոյ կարգի ուրախութիւնք առաքի-
նութիւններէ յառաջ չեն գար երրեք. և
այն ամէն բան որ զօրաւոր հաճոյք կ'անուա-
նուի, վտանգ է միշտ:

Երբոր շատ զգուշաւոր չըլլան պատշա-
ճութիւնները բնաւ չվիրաւորելու և խոհե-

մութեան սահմաններուն մէջ մնալու համար, այն ինչ սրտի հաճոյքն զգացուի, չեմ գիտեր ինչ տեսակ անուշութիւն մը կը հեղու սրտին մէջ, որ բոլոր առաքինութիւն կոչուած բաներու համար զգուանք կը պատճառէ. զի՞րենք կ'արգիլէ և իրենց պարտաւորութեանց մասին կը դանդաղեցնէ:

Դեռատի աղջիկ մը չի կրնար այս թոյնին հետեւանքը զուշակել. անոր ամենադոյզն ազղեցութեամբ կեանքի հանգիստը կը վըրդովուի, ճաշակը կ'ապականի և բոլոր պարզ հաճոյքներն անհամ կը դառնան:

Երբոր սիրտը յուզուած ըլլալու բարերազգութիւնն ունեցող աղջիկ մամուսնացնեն, (որովհետեւ մեր մէջ զգացում մը կայ որ միանալ կը բաղձայ և քանի որ այդ զգացումը դեռ չէ գործածուած) բնականաբար իրեն համար որոշուած անձին կը յարի և կը նուիրուի:

Հանդէսներու և թատերախաղերու յաճախակի ներկայ ըլլալէ զգուշացիր: Ամէն տեղ ինքզինք ցուցնելու մէջ բնաւ ազնուութիւն չկայ. աղկէ զատ, ուղիղ պարկեշտութիւնը դժուարաւ կրնայ պահպանուիլ չափազանց զանց զբօսանքի մէջ. և իւր անձին օգուտը ձանչնալ չէ այդ: Եթէ գեղեցկութիւն ունիս, պէտք չէ որ միշտ ինքզինքդ ցուցադրելով հանրութեան փափաքը պակսեցնես. իակ եթէ գեղադէմ չես, աւելի եւս զգուշաւոր ըլլալ կը պարտիս: Մանաւանդ թէ միշտ ամէն տեղ երեւնալու սովորութիւնը ճաշակն ալ կը տկարացնէ:

Երբոր միմիայն հաճոյքներ վայելելու

համար ապրիս և այնպէս պատահի որ կամ ատոնցմէ ձանձրանալով և կամ դատողութիւնդ զանոնք արգիլելուն պատճառաւ ատոնցմէ զրկուիս, չոգիդ մեծ դատարկութեան մը մէջ կ'իյնայ:

Այդ, եթէ կ'ուզես որ հաճոյքներդ և զուարճութիւններդ տեւական ըլլան, աւելի լուրջ զրադումներու իրր հանդիստ միոյն գործածէ զանոնք. միշտ ողջմառւթեանդ հետեւէ, որպէս զի հաճոյքներու պակասութիւնն ոչ դատարկութիւն թողու քեզի և ոչ պէտք:

Ուստի, պէտք է ճաշակին խնայել, մենք անով կեանքին կապուած ենք. բարեկարդ կեանքն է որ զայն կը պահպանէ, իսկ անակարդ կեանքը զայն կ'ապականէ:

Երբոր մեր սիրտն առաղջ է, ամէն բանէ օգուտ կը քաղենք և ամէն բան հաճոյք կը դառնայ մեզի: Հիւանդի ախորդակով կը մօտենանք հաճոյքներու և շատ անդամ մեզի կը թուի թէ դժուարահաճ ենք, մինչդեռ իրապէս ատոնցմէ ձանձրացած ենք:

Երբոր միտքն ու սիրտն երեւակայութիւնը մոլորեցնող զգացումներով և կամ որ և իցէ սաստիկ կիրքով մ'ապականուած չեն, ուրախութիւնը դիւրաւ կը գտնուի. առողջութիւն և անմեղութիւն անոր ճշմարիտ աղբիւրներն են. բայց մարդ հազիւ թէ բուռն հաճոյքներու վարժելու դժբաղդութիւնն ունենայ, չափաւոր հաճոյքներու անզգայ կը դառնայ:

Չափազանց զուարճութիւններով ճաշակը կ'ապականի. այնպէս կը վարժինք գրգռիչ

Հաճոյքներու որ այլեւս չենք կրնար պարզ
Հաճոյքներով զոհանալ:

Պէտք է վախնալ հոգւոյ այն մեծ դղբր-
դումներէն որոնք ձանձրոյթ և զգուանք կը
պատճառեն. անոնք աւելի երկիւղալի են
զեռատի աղջկանց համար, որոնք իրենց
զգացած բանին շատ չեն կրնար դիմադրել:
«Ժուժկալութիւնը, կ'ըսէր հին իմաստասէր
մը, ախորժանքի լաւագոյն գործաւորն է»:
Այդ ժուժկալութեամբ միշտ քաղցր և միօ-
րինակ ուրախութիւն մը կրնանք վայելել.
ոչ ներկայացումներու պէտք ունինք և ոչ
աւելորդ ծախքերու. օգտակար ընթերցա-
նութիւն մը, ձեռագործ մը, խօսակցութիւն
մը, աւելի մաքուր ուրախութիւն մը կը
պատճառեն քան թէ ամենամեծ զուարճու-
թեանց փառաւոր կազմակերպութիւն մը:
Վերջապէս, անմեղ հաճոյքները նախամե-
ծար են. միշտ պատրաստ կը դտնուին, օգ-
տակար են և երրեք սուզ չեն ստացուիր:
Միւսերը, թէպէտե կը զուարճացնեն, բայց
միասակար են. հոգւոյն ինչպէս նաեւ մար-
մոյն բարեխառնութիւնը կ'եղծանեն և կ'ա-
պականեն:

* * *

Բոլոր դիտաւորութիւններուդ և բուլոր
գործողութիւններուդ մէջ կարգ կանոն դիր:
Բարեբազզութիւն մը պիտի համարուէր եթէ
մարդ բնաւ չի ստիպուէր իւր հարստութիւնը
խնայողութեամբ գործածել. բայց, որովհե-
տեւ քու ունեցածդ յոյժ չափաւոր է, զքեզ
կանոնաւոր ըլլալու կը պարտաւորէ:

Ծախքերդ միշտ խոհեմութեան սահմանին
մէջ պահէ . եթէ զանոնք չի չափաւորես , քիչ
ատենէն խառնակութիւնը կը տիրէ զործե-
րուդ մէջ . այն ինչ որ խնայողութենէ հեռ-
ուանաս , այլ եւս բան մը չես կրնար իրա-
կանացնել :

Յուցամորութիւնը կործանում յառաջ կը
բերէ և կործանումը գրեթէ միշտ բարուց
ապականութեան պատճառ կ'ըլլայ : Այլ
սակայն , կանոնաւոր ըլլալու մոօք՝ ագահու-
թիւն ընել պէտք չէ : Վաստահ եղիր թէ ա-
գահութիւնը քիչ շահ կը բերէ և շատ կ'ան-
պատուէ :

Կարգաւորեալ կեանքի ընթացք մ'ունե-
նալու համար , բաւական է միայն զգուշանալ
նուաստութենէ և անիրաւութենէ , որք ան-
կարդ կեանքի ընթացքի մը կապուած են :
Աւելորդ ծախքերը պէտք է ջնջել . մի միայն
պատշաճութեան , բարեկամութեան և բա-
րեգործութեան պահանջած ծախքերն ընելու
կարող ըլլալու համար :

Կանոնաւորութիւնն է որ մեծ շահեր կ'ար-
տադրէ և ոչ թէ աննշան բաներու կարեւո-
րութիւն տալը : Պինիոս անդորրագրով մը
հանդերձ ետ դրկելով իւր բարեկամին մե-
ծագումար պարտամուրհակ մը , որ իւր հօր-
մէն մնացած էր , կ'ըսէ իրեն . « Հարստու-
թիւն չունիմ և շատ անհրաժեշտ ծախքեր
ունիմ բայց չափաւորութեանս շնորհիւ դրա-
մագլուխ մը գոյացուցած եմ , որմէ կ'առնում
բարեկամներուս մատուցած նուէրներս »: Դու-
ալ փափաքներուդ և հաճոյքներուդ ծախքէն
գեղչէ , որպէս զի կարող ըլլաս գոհացնել :

առատաձեռնութեան զգացմունքը, զոր ամէն բարեսիրտ կին պարտի ունենալ:

Ունայնութեան պէտքը զանց լրէ: Հարկէ է, կ'ըսեն, ուրիշներու նմանիլ: Այդ նմանիլ բառը շատ ընդարձակ իմաստ ունի: Դու աւելի ազնիւ նախանձաւորութիւն մ'ունեցիր. մի հանգուրժեր որ ուրիշ մը քեզմէ աւելի պատիւ, ուղղամտութիւն և աննեն գութիւն ունենայ: Առաքինութեան պէտքն զգա: Հոգեկան ազգատութիւնը նիւթականէն աւելի գէշ է:

* * *

Մինչ տակաւին երիտասարդ ես, ջանարի համբաւ ստանալ, վարկդ աւելցուր և գործերդ կարգադրէ: Երբոր տարիքդ առնես, ասոնք աւելի եւս կը դժուարանան: Շառլը - Քէն կ'ըսէր թէ, « բաղդն երիտասարդները կը սիրէ »: Երիտասարդութեան մէջ ամէն բան քեզի կ'օգնէ, ամէն բան ինքինք քեզի կը նուիրէ: Երիտասարդներն առանց մտքերնէն անցնելու կը տիրապետեն: Աւելի յառաջած տարիքի մը մէջ, բան մը քեզի պիտի չօգնէ. այլ եւս վրադ պիտի չունենաս այն հրապուրիշ շնորհքն որ ամէն բանի վրայ կ'ազդէ. այլ մի միայն իրաւունքն և ճշմարտութիւնը պիտի ունենաս քեզի կողմնակից, որք սովորաբար չեն կառավարեր զաշխարհ:

« Դուք դէպ ի համբաւ, դէպ ի պատիւ կ'երթաք, կ'ըսէր Մոնթէներ երիտասարդաց, իսկ ես ատոնցմէ կը վերադառնամ »:

Երբոր երիտասարդութիւնն անցնի, այնուա-
չետեւ միմիայն առաքինութիւններէ կրնա-
շահ ապասել։ Ամէն ձեռնարկներուդ և ա-
մէն գործերուդ մէջ, աւելի եւս կատարեալ
ըլլալու ջանա . երբեք ծրագիր մի յօրիններ
և բանի մը մի ձեռնարկեր առանց իւրովի
հարցնելու . «Արդեօք կարելի չէ՞ որ աւելի
լու գործեմ»։ Այս կերպով, առանց զգա-
լու այնպէս պիտի վարժիս արդարութեան
և առաքինութեան, որ զանոնք աւելի զիւ-
րաւ գործելու կարող պիտի ըլլաս։ Զանա
այնպէս ընել ինչպէս որ ընելու կը յորդո-
րէր Աննեկա իւր բարեկամը։ «Ընարկ՛,
կ'ըսէր անոր, մեծ մարզոց մէջէն զայն՝ որ
ամէնէն աւելի յարգելի կը թուի քեզ . ա-
մէն բան իւր ներկայութեան գործէ և ամէն
գործերուդ վրայ հաշիւ տուր անոր»։ Երա-
նի՛ անոր որ ընտրուելու արժանի ըլլալու
շափ յարգելի է։

Այս միջոցը զիւրաւ կը յաջողի, վասն
զի երիտասարդները բնական բերում մ'ու-
նին նմանողութեան։ Նթէ այդ օրինակներն
հին ատենէն առնուս, քիչ անգամ պիտի
սխալիս . վասն զի հոն ընդհանրապէս վսեմ
օրինակներ միայն կը ներկայացուին։

Նորերէն ընտրութիւն ընելը կրնայ իւր
անպատեհութիւններն ունենալ. ընդօրինա-
կութիւնք քիչ անգամ կը յաջողին։ Հնուց
ըսուած է թէ ամէն ընդօրինակութիւն իւր
բնագրին առջեւ դողալ կը պարտի . վասն
զի միշտ հեռուէ հեռու կը նմանեցնեն . և
եթէ դու ալ այդպէս ընես, բնական նկա-
րագիրդ կը կորսնցնես, որն որ առ հասա-
րակ ամէնէն ճիշտն և ամէնէն պարզն է։

Եթէ օրինակի մը յառած մնաս, կը թուշանաս. աղկէ զատ, մեր թերութեանց մէկ մասն ալ նմանողութենէ յառաջ կու գայ: Ուստի, դու քեզմէ վախնալ և զքեզ յարզել սորմէ և թող զդուշաւորութիւնդ քու յառուկ քննիչդ ըլլայ:

*
* *

Գտնուած վիճակիդ մէջ երջանիկ ըլլալու ջանաւ: Ամէն բան օգտակարապէս գործածէ. վասն զի հազար տեսակ բարիք կը կորսնցնենք, անոնց կիրարկութեան եղանակը չգիտնալով: Ուշազբութիւն և բազգատութիւն ընելով միայն կրնանք երջանիկ ըլլալ:

Որքան աւելի յաջողակ ըլլաս, ոյդքան աւելի վիճակիդ օգուտ կը քաղես և այնքան ալ աւելի հաճոյքդ կ'աւելցնես: Ունենալով չէ որ երջանիկ պիտի ըլլաս, այլ վայելելով և վայելելն ուշազբութեան մէջ կը կայանայ:

Եթէ գիտնայինք մեր գտնուած վիճակին մէջ պարունակուիլ, ոչ փառասէր պիտի ըլլայինք և ոչ նախանձուտ. և խազաղութիւն պիտի վայելէինք. քայց ընդ հակառակն, մենք բնաւ պէտք եղածին չափ ներկայի մէջ չենք ապրիր. մեր բազձանքներն և մեր յոյսերն անդադար զմեզ գէպ ի ապագան կը տանին:

Աշխարհիս մէջ երկու տեսակ յիմար կայ: Ասոնցմէ ոմանք միշտ ապագայի մէջ կ'ապրին և յոյսերով միայն կը սնանին, և,

Դաս. Աղջկաթց

որովհետեւ զանոնք ճիշտ հաշուելու չափ
խոհեմութիւն չունին, իրենց կեանքն յու-
սախարութեամբ կ'անցնեն: Ողջամիտ ան-
ձինք իրենց վիճակին յարմար բաղձանքնե-
րով միայն կը զբաղին և գրեթէ բնաւ չեն
խարուիր: Խոկ եթէ երրեք խարուին խոկ,
կրնան մխիթարուիւ խորհելով թէ ինչ օգուտ
որ կարելի է քաղել տգիտութենէ կամ
սխարմունքէ՝ քաղած են, որ է յուսարու
հաճոյքն. ասկէ զատ, սորված կ'ըլլան թէ
ինչքերու տենչանքը կը զաղրի, կամ ստա-
ցումով և կամ բաղձացուած բանին տիրա-
նալու անկարելիութեան առջեւ: Այս խոր-
հըրդածութիւններով, խելացի անձինք կը
հանգարտին:

Տեսակ մը յիմարներ ալ կան որ ներկային
չափէն աւելի անձնատուր եղած՝ ապագայի
վրայ չեն խորհիր, և իրենց թէ հարստու-
թիւնը, թէ բարի համբաւն և թէ ճաշակը
կը փճացնեն, անոնց ըստ բաւականի
չխնայելով: Մինչդեռ ողջամիտ անձինք այդ
երկու ժամանակներն իրարու կը միացնեն.
ներկան կը վայելեն և ապագան բնաւ չեն
անտեսեր:

Ժամանակը գործածել գիտնալն ալ պար-
տականութիւն մըն է, աղջիկու: Մենք ինչ-
պէս կը գործածենք զայն ընդհանրապէս:
Քիչ անձինք կան անոր բուն արժէքը ճանչ-
ցող: « Զեր բոլոր ժամերուն հաշիւը գիտ-
ցէք, կ'ըսէ հին իմաստակը մը, որպէս զի
ներկային օգուտ քաղելով՝ քիչ պէտք ու-
նենաք ապագային »:

Ժամանակն արագութեամբ կ'անցնի, ուսու-

տի, ապրիլ սորվէ, այսինքն զայն օգտաւկար կերպով գործածել:

Կեանքը սնոտի յոյսերով կը սպառի, եթէ բախտի հետամուտ ըլլանք, կամ եթէ անոր սպասենք: Ամէն մարդ կը զգայ իւր ապրելու եղանակին ունայնութիւնը, միշտ բազմազբաղ՝ բայց առանց երբեք արդիւնաւոր ըլլալու:

Միտքդ դիր որ կեանքը ժամանակի տեւողութեան մէջ չէ, այլ անոր գործածութեան եղանակին մէջ: Խորհէ թէ միտք մ'ունիս մշակելու և ճշմարտութեամբ սնուցանելու. սիրտ մ'ունիս մաքրելու և ուղղելու և կրօնական պարտաւորութիւն մը՝ կատարելու համար:

Որովհետեւ առաջին տարիները թանկագին են, ջանա, աղջիկս, օգտակարապէս գործածել զանոնք: Այն միջոցին որ բարուց տպաւորութիւնը դիւրաւ կը կատարուի, յիշողութիւնդ պատուական բաներով զարդարէ. միտքդ դիր որ բոլոր կեանքիդ մթերքը կը համբարես: Յիշողութիւնը գործածութեամբ կը կազմուի և կ'ընդլայնի:

* * *

Հետաքրքրութեան զգացումդ մի մարեր երբեք. միայն թէ պէտք է լաւ առաջնորդել և բարի նիւթ տալ անոր: Հետաքրքրութիւնն սկզբնական ծանօթութիւն մըն է, որ ճշմարտութեան ճամբուն մէջ աւելի շատ և աւելի շուտ յառաջ կը մղէ զքեզ. բնութեան մէկ հակամիտութիւնն է, որ կրթութեան

ընդ առաջ կ'երթայ . պէտք չէ զայն կառեց
ցընել անգործութեամբ և թուլութեամբ:

Լաւագոյն է որ գեռատի աղջիկներն զբա-
կան զիտութիւններով զբաղին: Յունաց և
Հոռվմայեցոց պատմութիւններն հոգին կը
բարձրացնեն և իրենց պարունակած մեծա-
գործութիւններով արիսթիւնը կը հրահան-
զեն: Այսոնցմէ զատ իւր Ազգային պատմու-
թիւնն ալ չզիտանալը ներելի չէ: Չեմ պար-
սուեր նաեւ խմասասափրութեան ուսումը,
նորը մանաւանդ, եթէ կարող եռաւ Այդ ու-
սումը մտքիդ մէջ ճշտոթիւն կը հասասանէ,
գազափարներդ կ'որոշէ և ուզիզ խորհիլ կը
սորվեցնէ: Բարոյագիտութիւնը նաեւ շատ
կարեւոր կը նկատեմ: Կիկերոնի, Պլինիոսի
և ասոնց նման մեծ մարդերու երկասփրու-
թիւնները կարգալով՝ առաքինութեան յօ-
ժարութիւն կը ստանանք և անգգալարար
այնպիսի տպաւորութիւն մը կ'ունենանք որ
մեր բարուց կը նպաստէ:

Մոլութեանց հակամիտութիւնն առաքի-
նութեանց բազմաթիւ օրինակներով կ'ուղ-
ղուի և հազուագիւտ է պատահիլ ի ընէ չար
անձի մը որ այսովիս ընթերցումներէ ա-
խորժի: Մարդիկ չեն ախորժիր տեսնել այն
բանն որ զիրենք միշտ կ'ամբասատանէ և կը
դատապարտէ:

Եղուագիտութեան գալով, թէպէտեւ կին
մը պարտի իւր մայրենի լեզուն խօսելով
բաւականանալ, այլ սակայն օտար լեզուաց
ուսման ալ չեմ հակառակիր, եթէ դիրքն
ու կարողութիւնը կը ներեն:

Բանաստեղծութիւնը կընայ անպատեհու-

թիւններ ունենալ, այսու հանդերձ կը ցափմ Գոռնէյլի և այլոց գեղեցիկ ողբերգութեանց ընթերցումն ալ արգիլել. բայց շատ անզամ ատոնց լաւագոյններն իսկ առաքիւթեան դասեր տալով հանդերձ, մոլութեան ապաւորութիւնն ալ կը թողուն:

Իսկ սիրավէպերու ընթերցումն աւելի եւս վնասակար է, չեմ բաղձար որ շատ գործածուի, մտքին մէջ կրակ կը թափեն անոնք: Վէպը՝ երբեք իրականէն առնուած չըլլալով՝ երեւակայութիւնը կը բորբոքէ, պարկեշտութիւնը կը տկարացնէ, սրտին մէջ յուզմունք յառաջ կը բերէ, և, գեռատի աղջիկ մը որքան նուազ տրամադրութիւն ալ ունենայ սիրոյ, իւր հակամիտութիւնը կը փութացնէ: Պէտք չէ երբեք սիրոյ հրապոյրն և ոչ ալ պատրանքն աւելցնել. որքան որ քաղցրանայ, այնքան համեստ է և այնքան ալ վըտանգաւոր:

Այսուհանդերձ, չեմ ուզեր վիպասանութիւնները բոլորովին արգիլել. ամէն արգելք ազատութիւնը կը վիրաւորէ և բաղձանքը կը գրգռէ: Բայց վարժելու է կարելի եղածին չափ ստոյդ բաներ կարգալ, որոնք միտքը կը զարդարեն և սիրտը կը զօրացնեն: Նաեւ կարելի եղածին չափ զգուշանալու է այնպիսիններէն որոնք զժուարաջինջ տպաւորութիւններ կը թողուն:

Արտաքոյ կարգի գիտութեանց համար ունեցած փափաքդ չափաւորէ. վասն զի, անոնք ալ վնասակար են և ընդհանրապէս հպարտութիւն կը բերեն և հոգւոյն զօրութիւնը կը թուլացնեն:

Եթէ սակայն ընդարձակ, կենդանի և
գործօն երեւակայութիւն մ'ունիս և այն-
պիսի հետաքրքրութիւն մը՝ զոր բան մը չի
կրնար յագեցնել, լաւագոյն է այդ արամա-
զրութիւնները զիտութիւններով զբաղեցնե-
քան թէ թողուլ որ անոնք կիրքերու նպաս-
տեն, բայց միտքդ զի՞ր որ գեռատի աղջիկ-
ներն ինչպէս որ մոլութեանց՝ զբեթէ նոյն-
պէս ալ զիտութեանց դէմ պարտին փափուկ
համեստութիւն մ'ունենալ:

Ուստի, իմաստակութեան դէմ ինքզինքդ
պաշտպանէ, անպէտ՝ ինչպէս նաեւ կարու-
զութենէդ վեր դիտութիւններու հետամուռ
ըլլալով մի զբօննուր: Մեր հոգին շատ ա-
ւելի վայելելու բան ունի քան թէ ճանչնա-
լու: Մենք մեր բարեկեցութեան յատուկ և
պիտանի հմտութիւններն ունինք, բայց չենք
ուզեր անոնցմով բաւականանալ, ընդհակա-
ռակն այնպիսի ճշմարտութիւններ կը հե-
տապնդենք որոնք մեզի համար պատրաս-
տուած չեն:

Մեր կարողութենէն վեր եղող բաներն
հետազօտելու ձեռնարկելէ առաջ, հարկ է
զիտնալ թէ ինչ լայնութիւն ունի մեր հըմ-
տութիւնն և թէ ինչ կանոն պէտք է ունե-
նալ մեր համոզումը ճշգելու համար, պէտք
է կարծիքը ծանօթութենէ զանազանել զիտ-
նալ և բան մը մեզ մութ երեւցած ատեն
կասկածելու՝ մեր խելքը չհասած բանն ան-
պիտանալու արիութիւնն ունենալ:

* * *

Առաքի յանդգնութիւնը զսպելու և անոր վատահութիւնը չափաւորելու համար, խորհինք թէ ամէն տեսակ ծանօթութեանց երկու սկզբունքը՝ բանականութիւն և զգայութիւն, անկեղծութենէ զուրկ են և զմեզ կը խարեն։ Զգայութիւնն յանկարծակիի կը ըերէ զբանականութիւն, իսկ բանականութիւնն իւր կարգին՝ կը խարեէ զայն։ Աճաւասիկ մեր երկու առաջնորդներն, որոնք երկուքն ալ կրնան զմեզ մոլորեցնել։

Այս խորհրդածութիւնք վերացեալ գիտութիւններէ կը յափրացնեն. ուստի, մերժամանակն օգտակար ծանօթութիւններ ստանալու գործածենք։

Պէտք է որ գեռատի աղջիկ մը հլութիւն ունենայ. ինքն իւր վրայ քիչ վատահանայ. բայց այսու հանդերձ պէտք չէ որ այդ հլութիւնը շատ հեռու մղէ։ Կրօնքի վերաբերեալ խնդիրներու մասին պէտք է հեղինակութեանց առջեւ խոնարհիլ. բայց, ուրիշ ամէն նիւթոց մասին բանականութեան և իրականութեան հեղինակութիւնները միայն ընդունիլ։ Հլութիւնը չափազանցելով, բանականութեան իրաւունքն կտրած կ'ըլլաս, այլ եւս քու յատուկ խելամտութիւնդ շես գործածեր, որն որ կը տկարանայ։ Փու անձնական գաղափարներդ ուրիշներու գաղափարներուն մէջ փակելով, անոնց շատ նեղ սահման մը տուած կ'ըլլաս։ Մարդոց վկայութիւնն այնքան միայն արժէք կրնայ ունենալ որքան որ անոնք հաւաստի եղած են,

իրողութիւններէ փորձառութիւն ստանալով ,
ճշմարտութեան դէմ կանխսպրաւութիւն
չկայ երբեք , նու ամէն անձի համար է և
ամէն ժամանակի կը վերաբերի :

Մէկ խօսքով , մեծ մարզ մըն աւ կ'ըսէ .
«Քրիստոնեայ ըլլալու համար պէտք է կոյր
զկուրայն հաւատագլ , և իմաստուն ըլլալու
համար պէտք է յայտ յանզիման տեսնել» :

* * *

Զանա՛ միտքդ կրթել և զայն յիշողութեա-
նէգ աւելի գործածել լի կը զլուխն օտար
դաղափարներով կը լեցնենք և մեր ունե-
ցածէն բնաւ օգուտ չենք քաղեր : Մէր յի-
շողութիւնը պատմութիւններով և իրողու-
թիւններով ծանրաբեռնելով՝ կը կարծենք
թէ շատ կը յառաջադիմենք . այլ սակայն
այս եղանակը շատ չօգներ մտքի կատարե-
լութեան : Պէտք է խորհելու վարժիլ .
միտքը կրթութեամբ կ'ընդլայնի և կը զար-
գանայ , բայց զայն գործածողները քիչ են :
Խորհիլ դիտնալն այնպիսի տաղանդ մըն է
որ մեր քով կը հանգչի :

Պատմական գէպքեր և իմաստասէրներու
կարծիքներ չեն կրնար տագնապեցնող զըժ-
բաղդութեան մը գէմ զքեզ պաշտպանել .
ասոնցմով պիտի չկարենաս ինքզինքդ աւելի
զօրաւոր զգալ : Երբոր վիշտ մ'ունենաս ,
Աենեկայի կամ Եպիկտետոսի պիտի գիմես .
բայց միթէ անո՞նց ողջմասութեան կ'իյնայ
զքեզ միսիթարել , թէ քուկդ պարտի այդ
հոգն ստանձնել : Քու սեփական ինչքդ զոր-

ծածէ . խաղաղութեան ժամանակ պաշար համբարէ , քեզի սպասող նեղութեան ժամանակին համբար : Քու սեփական ողջմտութիւնդ տելի մեծ օգնութիւն պիտի կարենայ մատուցանել քեզի , քան թէ ուրիշներունը :

Եթէ կարող ըլլաս երեւակայութիւնդ կանոնաւորել և զայն ճշմարտութեան և ողջմտութեան հպատակեցնել , մեծ նախապատրաստութիւն մը կ'ըլլայ այդ քու կատարելութեանդ և երջանկութեանդ համբար :

Կանայք առհասարակ իրենց երեւակայութեամբ կը կառավարուին : և որովհետեւ երեք հաստատուն բանով մը չեն զրաղեցներ զիրենք , և որովհետեւ անոնք իրենց կեանքի ընթացքին մէջ ո՛չ իրենց ինչքն հոգալու և ո՛չ ալ իրենց գործերը վարելու պաշտօնն ունին , ուստի մի միայն իրենց հաճոյքներուն անձնատուր կ'ըլլան : Հանդէսներ , զգեստներ , վիպասանութիւններ և զանազան զգացումներ , ամէնքն ալ երեւակայութեան իշխանութեան կը վերաբերին :

Գիտեմ թէ երեւակայութիւնդ կանոնաւորելով հաճոյքներդ կը պակսեցնես , վասն զի ինքն է անոնց աղբիւրն և թէ դարձեալ ինքն է որ ախորժելի բաներու կու տայ հրապոյր և պատրանք որք անոնց բոլոր հաճոյքը կը կազմեն . բայց երեւակայութիւնն՝ իւր յօրինած մէկ հաճոյքին փոխարէն ի՞նչ չարիք չի հասցներ քեզի : Ճշմարտութեան և քու մէջ տեղն է միշտ . և ուր որ երեւակայութիւնը կ'իշխէ , հոն ողջմտութիւնը չի համարձակիր երեւնալու : Մենք իրեն հաճոյ երեւցած կերպով միայն կը գործենք և իւր կառավարած

անձերը գիտեն թէ նա ինչ վնաս կը պատճառէ։ Իրեն հետ նպաստաւոր գաշնադրութիւն մը՝ ըրած կ'ըլլայինք եթէ իւր հաճոյքներն իրեն թողուինք, այն պայմանաւ որ իւր վիշտերն ալ բնաւ չի զգացնէր մեզ։ Կերծապէս, բան մը այնքան հակառակ չէ երջանելութեան, ո՛րքան փափուկ, կենդանի և շափազանց վառվուն երեւակայութիւն մը։

Իրերու վրայ ճշգրիտ գաղափար մունեցիր, բնաւ առհասարակ ժողովրդեան պէս մի դատեր, երբեք կարծիքներու տեղի մի՛ տարև և մանկութեան նախապաշարումները թօթափէ։

Երբոր վիշտ մ'ունենաս, հետեւեալ կերպով վարուէ։ Ես այդ եղանակաւ միսիթարուած եմ։ Ցաւիդ պատճառը քննէ։ զայն շրջապատող բոլոր պատրանքն և երեւակայութեան բոլոր յաւելուածներն անկէ հեռացուր, և պիտի տեսնես թէ շատ անդամ նա ծանրակշիռ բան մը չէ և թէ շատ զեղչելու բան կայ անոր մէջ։ Իրերն իրենց բուն արժէքին համեմատ գնահատէ։ Շատ աւելի պատճառունինք տրանջելու սխալ կարծիքներէ քան թէ բախտէն։ վասն զի շատ անդամ իրերը չեն որ զմեզ կը վիրաւորեն, այլ անոնց վրայ մեր ունեցած կարծիքը։

Երջանիկ ըլլալու համար պէտք է ողջմտութեամբ խորհիլ։ Մեծ յարդանք կը պարտինք հասարակաց կարծիքներուն, երբոր անոնք կրօնքի կը վերաբերին։ բայց բարոյականութիւն և կեանքի երջանկութիւն կոչուած բանին նկատմամբ ժողովրդէն շատ տարբեր կերպով խորհիլ պէտք է։ Ժողովուրդ կ'ան-

ուանեմ այն ամէնքն որ ստորին և հասարակ
կերպով կը խորհին և այսպիսիներ շատ են:
Աշխարհք մի միայն բախտի և վարկի վրայ կը
խօսի, «Ձեր ճամբան գացէք» կ'ըսեն միայն,
«Յառաջանալու փութացէք» . իսկ իմաստու-
թիւնը կ'ըսէ, «Պարզ բաներու իջէք, աննշան՝
բայց խաղաղ կեանք մ'ընտրեցէք ձեզի .
աղմկէն պահութեցէք, ամբոխէն հեռու
փախէք» : Առաքինութեան բոլոր վարձքն
համբաւի մէջ չէ, այլ քու խղճիդ վկայութեան
մէջ: Միթէ մեծ առաքինութիւն մը չի՞ կրնար
գքեզ միխթարել քիչ մը փառքի կորստին
վրայ:

* * *

Ազիկո, ոորվէ որ ամէնէն մեծ գիտու-
թիւնն ինքն իրեն վերաբերել գիտնալն է:
Հին իմաստասէր մը կ'ըսէր . «Ոորվեցայ իմ
բարեկամն ըլլալ, ուստի երբեք միայնակ պի-
տի չմնամ» :

Պէտք է որ միջոցներ հոգաս կեանքի վիշ-
տերուն դէմ և փոխարէններ՝ այն շահերուն
համար որոնց վրայ յոյս դրած կը սպասէիր:
Դու քու մէջդ քեզի առանձնարան մը, ա-
պաստանարան մ'ապահովէ . այն ատեն միշտ
պիտի կարենաս քեզի դառնալ և զքեզ գտնել:
Աշխարհ՝ քեզի համար նուազ կարեւոր ըլլա-
լով, քիչ պիտի տիրէ քու վրայ: Երբոր հաս-
տատ յօժարութիւններով դու քեզի չես կա-
պուիր, ամէն բանի կը կապուիս:

Առանձնութեան սովորէ . բան մ'անկէ ա-
ւելի օգտակար և աւելի կարեւոր ալ չէ,

զգալի իրերու մեր վրայ ըրտած տպաւորութիւնը մեղմացնելու համար։ Ուստի, պէտք է երբեմն աշխարհէ քաշուիլ, մեկուսանալ։ Օրուան մէջ եթէ կարելի է, քանի մը ժամ ունեցիր կարդալու և խորհրդածութիւններդ զործածելու համար։ «Խորհրդածութիւնն հոգւոյն աչքն է, կ'ըսէ Եկեղեցւոյ Հայր մը, որմէ ներս կը թափանցեն լոյս և ճշմարտութիւն»։ «Առանձնութեան մէջ պիտի տանիմ զինքը, կ'ըսէ Խմաստութիւնն, և հոն իւր սրտին պիտի խօսիմ»։ Հոն է որ ճշմարտութիւնն իւր գասերը կու տայ. հոն կանխակալ կարծիքները կ'անհետանան. հոն նախապաշտումը կը տկարանայ և հոն կարծիքն՝ որ ամէն բան կը կառավարէ, կը սկսի իւր իրաւունքը կորսնցնել։

Երրոր ակնարկ մը նետենք կեանքի անօգտութեան և ունայնութեան վրայ, կը ստիպուինք ըսել Պլինիոսի հետ. «Ղաւադոյն է կեանքն անցնել բան մը չընելով՝ քան թէ ոչինչ բաններ ընելով»։

Արդէն ըսի քեզի, աղջիկս, երջանկութիւնն հոգւոյ խաղաղութեան մէջ կը կայանայ։ Առանց հոգեկան առողջութեան պիտի չկարենաս հոգւոյն հաճոյքները վայելել. ամէն բան գրեթէ հաճոյք է առողջ հոգւոյ մը համար։

Հանգիստ ապրելու համար սա կանոններու հետեւելու է. հաճելի բաններու բոլորովին անձնատուր չըլլալ. ապա զեղչել պարտաւորուելու վախով մարդոցմէ շատ բան չսպասել և ինքն իւր անձին առաջին բարեկամն ըլլալ. Առանձնութիւնն ալ հանգիստը

կ'ապահովէ և բարեկամմ է իմաստութեան .
Հետեւարար, մեր ներսը կը բնակին խա-
ղաղութիւն և ճշմարտութիւն:

Բարձր ընկերութենէ կարելի եղածին չափ
հեռու կեցիր . վասն զի հոն չատ ապահո-
վութիւն չկայ . որ և իցէ մեզմացուած զգա-
ցում մը հոն միշտ վերստին կը դրզուուի .
անվրէպ շատ անձինք կը գտնուին հոն որ
անկարգութեան կը նպաստեն և որքան որ
աշխարհի մօտենանք, ոյնքան ալ կիրքերու
իշխանութիւնը կ'աւելնայ:

Դժուարին է զիմազգրել մօլութեան բռնա-
կալութեան որ իւր սիրած ընկերներուն միա-
ցած կու դայ և վերջապէս, աւելի տկար,
նուազ համեստ և աւելի անիրաւ կը դառ-
նանք, մարզոց մէջ գտնուած ըլլալնուս
պատճառաւ: Աշխարհ իւր թոյնը կը հեղու
փափուկ հոգիներու մէջ: Ասկէ դատ, պէտք
է բոլոր ճամրաները գոցել կիրքերու դէմ.
աւելի զիւրին է անոնցմէ զգուշանալ, քան
թէ անոնց յաղթել, և, եթէ հաղիւ զգալի
եղած տաեննին զանոնք ի բաց վանելու բա-
րերազդութիւնն ունենանք, անոնք իրենց
ընակութեան փոխարէնը լիովին հատուցա-
նել կու տան:

Արդարեւ կարելի չէ բնութեան առաջին
շարժմունքը մերժել . բայց շատ անդամ ալ
նա իւր իրաւունքը կը չափազանցէ . և, երբ
որ խելքդ զլուխդ դայ, այն ատեն զղչալու
շատ պատճառներ կը գտնես:

Պէտք է հնարքներ գանել և վատթարա-
գոյն իրերն աշքի առջեւ ունենալ: Ուստի,
զօրութիւնդ և արիութիւնդ չափէ և դայս

ընելու համար, քեզի կասկածելի երեցած
բաները միշտ գէշի աեղ հաշուէ։ Արիու-
թեամբ սպասէ դժբաղզութեան որ կրնայ
քեզի պատահիլ, մերկադէմ դիտէ զայն-
իւր բոլոր ամենասոսկալի հանդամանքնեւ-
րուն մէջ նկատէ զայն և ինքզինքո անոր
ճնշել մի տար։

Բազդին զագաթնակէտն հասած մեծա-
տուն մը իւր հարատութիւնը կը ցուցնէր
մէկ բարեկամին, արկղիկ մը մատնանիշ
ընելով՝ կ'ըսէր անոր, «Հաս է իմ զանձո»։
Բարեկամն ստիպելով զինքն որ զայն իրեն
ցոյց տայ, թոյլ տուաւ որ նա այդ արկղիկը
բանայ, պատառոտուն հին զգեստ մը միայն
պահուած էր չոն։ Բարեկամին զարմանքը
նշմարելով՝ մեծատունն ըստ անոր, «Երբ
որ բաղզը զիս իմ նախկին վիճակիս վերա-
դարձնէ, ես արդէն իսկ պատրաստ եմ»։
Ի՞նչ լաւ հնարք է շատ բան իրեւ գէշ
հաշուել և իրապէս զէշ ելք ունեցած բանի
մը հանդուրժելու համար ինքզինք բաւական
զօրաւոր զգալ»։

Երբ պատահի որ բանի մը շատ փափա-
քիս, նախ և առաջ այդ փափաքած բանդ
քննէ, լաւ զիտէ այն ամէն բարեկները զորս
նա քեզի կը խոստանայ և այն ամէն չարիք-
ներն որք կրնան անոր հետեւիլ, և Որա-
տիոսի խօսքն յիշէ։ «Հաճոյքն առջեւէն
կը քայէ և իւր հետեւորդները մեզմէ կը
ծածկէ»։

Հազիւ թէ փափաքելէ դադրիս, վախերդ
ալ անմիջապէս պիտի զադրին։ Հաւատու-
որ իմաստունն երջանկութեան հետամուտ
չըլլար, այլ զայն ինքն իրեն կը մատուցանէ։

Պէտք է որ նա քու ձեռակերտդ ըլլայ ։
վասն զի նա քու ձեռքդ է արդէն։ Խորհէ
թէ քիչ բան հարկ է կեանքի պէտքերուն
համար, մինչդեռ կարծիքի կամ երեւա-
կայութեան պէտքերը գոհացնելու համար
շատ աւելին հարկաւոր է։ Թէ լաւագոյն է
որ բաղձանքներդ հարստութեանդ համեմա-
տես, քան թէ հարստութիւնդ բաղձանքնե-
րուդ։

Այթէ պատիւներ և հարստութիւններ կա-
րենային զմեզ յագեցնել, ատոնցմէ առա-
տապէս շահելու պէտք պիտի ունենայինք։
բայց ընդ հակառակն, որքան որ անոնց
տիրանանք այնքան աւելի անոնց կը ծա-
րաւինք։ Ով որ չափէն աւելի կը բաղձայ՝
չափէն աւելի ազքատ է։

Դեռատի աղջիկներն յուսով կ'օրօրին։
Պ. աը Լա Ռոշֆուքօ կ'ըսէ թէ « նա հաճե-
լի ճանապարհէ մը կ'առաջնորդէ մեղի մին-
չեւ կեանքի վախճանը »։ Մեր կեանքն յոյժ-
կարձ պիտի ըլլար, եթէ յոյսը քիչ մը տե-
ւողութիւն չտար անոր։ Միիթարական ըզ-
դացում մըն է այն, որ սակայն կրնայ նաեւ
վտանգաւոր ըլլալ, քանի որ շատ անգամ
ալ սխալ հաշիւներ կը պատրաստէ քեզիւ
Յուսոյ գործած չարիքներուն փոքրագոյնն
այն է որ, շատ անգամ մարդ իւր ունեցածը
կը կորսնցնէ, բաղձացած բանին սպասելով։

* * *

Մեր անձնասիրութիւնն զմեզ մեր աչքէն-
կը ծածկէ և մեր բոլոր թերութիւնները մեղիւ-

պակաս կը ցուցնէ։ Անոնց հետ այնպէս
կ'ապրինք, ինչպէս որ կ'ապրինք այն անուշ
շահուսութիւններու հետ զորս մեր վրայ կը
կրենք։ այլեւս մենք չենք զգար զանոնք։
ուրիշներն անհանգիստ կ'ըլլան անոնցմէ։
Ուստի, այդ թերութիւններն իրենց ճշգրիտ
տեսակէտէն զիտած ըլլալու համար, պէտք
է որ ուրիշներու վրայ զիտենք զանոնք։

Քու թերութիւններդ ալ այն աչքերով
զիտէ՝ որոնցմով ուրիշներունը կը զիտես,
և մի թուլանար այս կանոնի մէջ, վասն
զի նա արգարասիրութեան պիտի վարժեա-
ցընէ զքեղ։ Բնաւորութիւնդ քննէ և թերու-
թիւններէդ օգուտ քաղէ։ վասն զի կարելի
չէ որ անոնցմէ մին քանի մ'առաքինու-
թեանց հետ կապակցութիւն չունենայ և
անոնց չի նպաստէ։ Բարոյականի նպաստ-
կը բնութիւնը կործանել չէ, այլ զայն կա-
տարելագործել։ Եթէ հպարտ ես, ինքզինքդ
քու սեռիդ յատուկ տկարութիւններէ վեր
բարձրացնելու, նուաստացնող թերութիւն-
ներէ զգուշանալու զործածէ այդ կիրքդ։
Արտի իւրաքանչիւր անկարգութեան ցաւ մը
և ամօթ մը կցուած են, որոնք զայն լքա-
նելու կը նպաստեն քեղի։ Եթէ երկչոտ ես,
խոչեմութեան վերածէ այդ տկարութիւնը.
թող նա ինքզինքդ վատանգի ենթարկելէ ար-
գիլէ զքեղ։ Եթէ վատնող ես և կամ միա-
կերպ բաշխել կը սիրես, զիւրին է շոայ-
լութիւնն առատաձեռնութեան փոխել։ Ծն-
արութեամբ և պատեհ առթիւ բաշխէ.
Ճքաւորներն ալ անտես մ'ըներ, աղքատները
խնամէ։ պէտք ունեցողին փոխ տուր, բայց

այնպիսիներուն տուր որոնք չեն կարող հատուցանել, այդ կերպով զգացմանդ տեղի տուած կ'ըլլաս և բարերարութիւններ կը գործես: Զկայ տկարութիւն մը զոր՝ եթէ կամենաս, առաքինութիւնը չկարենայ բարոյ ծառայեցնել:

Այն վեշտերու մէջ որոնք քեզի կը պատահին և արժանիքիդ նուազութիւնը քեզի կը զգացնեն, փոխանակ զայրանալու և քուանձիդ վրայ ունեցած կարծիքդ և համարումդ իրը թէ քեզի եղած անիրաւութեան դէմ հանելու, խորհէ թէ այդ վշտիդ պատճառ եղողները կրնան զքեզ քեզմէ աւելի լաւ դատել, թէ պարտիս յաւէտ անոնց հաւատալ քան թէ անձնասիրութեան, որ շողոքորթ մըն է միայն. թէ քեզի վերաբերեալ բանի մը նկատմամբ, թշնամիդ քեզմէ աւելի մօտ է ճշմարտութեան. և թէ, այնքան միայն արժանիք կը պարտիս տեսնել քու վրայ՝ որքան որ ունիս ուրիշներու աչքին առջեւ: Մարդիկ առհասարակ իրենց անձին վրայ մեծ համարում մ'ունենալու շատ հակամէտ են. և իրենք իրենց շատ մօտ են զիրենք դատելու համար:

*
* *

Ահաւասիկ, աղջիկս, ընդհանուր կանոններ, մտքի թերութիւններուն յաղթելու համար. բայց քու ուշադրութեանդ գլխաւոր առարկան պարտի ըլլալ սիրտդ և պէտք է որ չանաս անոր զգացմունքը կատարելագործել. վասն զի մի միայն սրտիդ միջոցաւ

կրնաս ապահով և տեւական առաքինութիւն
ունենալ, նա է որ գքեղ ճշտիւ կը նկարագրէ :
Անոր աիրանալու համար սա կանոնը պահէ :
Երբոր զգաս թէ խիստ և զօրաւոր կիրք
մը գքեղ կը յուղէ, քիչ մը ժամանակ պա-
հանջէ զգացումէդ և տկարութեանդ հետ
միաբանէ : Եթէ ուղես, առանց վայրկեան
մ'անոր անսալու, ամէն ինչ ողջմտութեանդ
և պարտաւորութիւններուդ զոհել, վախ կայ
որ կիրքը կը զայրանայ և շատ աւելի կը
զօրանայ : Իշխանութեան մը ներքեւ ես,
պէտք է որ ճարպիկութեամբ գործածես զայն,
և այսպէս վարուելով՝ յուստցածէդ աւելի
պիտի օգտուիս . և նոյն իսկ կիրքերուդ մէջ
ապահով դարմաններ պիտի դանես : Եթէ
ատելութիւն է այն, խելամուտ պիտի ըլլաս
թէ այնքան իրաւունք չունիս ատելու և ոչ
ալ վրէժ լուծելու : Իսկ եթէ գմբաղզարար
անոր հակառակն եղող զգացումն է որ կը
դրաւէ գքեղ, չկայ բնաւ կիրք մը որ ինքն
իրեն գէմ աւելի ապահով դարմաններ հայ-
թայթէ քեղի :

Եթէ սիրտդ սէրէն բռնուելու գմբաղզու-
թիւնն ունենայ, ահաւասիկ այդ հիւանդու-
թեան ընթացքը կասեցնելու դարմաններ:
Խորհէ թէ այս հաճոյքն ո՛չ հաստատուն է
և ո՛չ հաւատարիմ . կը լքանէ գքեղ, և, եթէ
մի միայն այդ չարիքն հասցնէ քեղի, այդ-
քանն իսկ բաւական է : Տարփանաց մէջ,
հոգին առարկայ մը կ'առաջադրէ . բաղձան-
քով և կամ հեշտութեամբ աւելի ևս սերտիւ
կապուած է անոր որքան չէ իւր էութեան-
իւր բոլոր բարիքն անոր ստացման կ'ընծայէ

և իւր բոլոր չարիքն անոր կորստեան։ Այլ սակայն, այս կարծեցեալ ստացուածքն, այս հոգւոյն ընտրութեան ստացուածքն, ո՞չ հաստատուն է և ո՞չ տեւական։ ուրիշներէ կախում ունի, քեզմէ կախում ունի և դու չես կրնար ո՞չ ուրիշներու և ո՞չ իսկ քեզի համար երաշխաւորել։

Աէրն, ի սկզբան ծաղիկներ միայն կ'ընծայէ քեզի և վերահաս վտանգը քեզմէ կը ծածկէ։ Կը խարէ զքեզ։ միշտ այնպիսի կերպարանք մը կը ստանայ որ իրենը չէ։ սիրան, անոր միարանած՝ գիտէ իւր հակամիտութիւնը քեզմէ ծածկել, վախնալով որ ողջմտութիւնն և համեստութիւնը կը տագնապեցնէ։ Պարզ զրօսանք մըն է այդ, միտքն է որ զմեզ կը յուզէ։ վերջապէս, մինչեւ որ սէրը տիրապետէ, գրեթէ միշտ անծանօթ է։

Հազիւթէ զգաս զայն, փախի՛ր, սրտիդ տրտունջները մի՛ լսեր երբեք։ սովորական ջանքով հոգիէդ չի բաժնուիր. նա չափաղանց համախոհութիւն ունի մեր սրտին հետ։ այն ինչ վրադ յարձակի, ամէն բան իրեն համար քեզի դէմ է և բան մը չի կրնար սիրոյ դէմ քեզի ծառայել։ Ուղղամիտ կնոջ մը համար ամենադառն կացութիւնն է այն, ուր բան մը քեզի չօգներ, ուր ինքզինքդ միայն հանդիսատես ունիս։ պէտք է որ անդադար արիութիւնը զօրացնես։ Միտքդ դի՛ր որ եթէ այդ մասին թուլանաս, զայն շատ աւելի ողորմելի կերպով գործածած պիտի ըլլաս։

Տարփանքի ցաւալի հետեւանքներուն վրայ խորհէ։ անվրէպ շատ օրինակներ պիտի գտնես ուսանելու համար։ բայց մենք շատ անդամ

ալ այդ մոլորութենէն կ'ազատինք առանց
կատարելապէս բժշկուելու Համբէ՛, եթէ
կարելի է, այն չարիքները զորս տարփանքը
կրնայ հասցնել. ողջմտութիւնը կը խարէ՛.
Հոգւոյն և զգայարանաց մէջ խոռվութիւն
կը ձգէ՛. ամօթն և նուաստութիւնը շատ
անգամ սիրոյ հետեւելուն պատճառաւ, ան-
մեղութեան ծաղիկը կը կորզէ՛. առաքինու-
թիւնը կը զգրդեցնէ և բարի համբաւը կը
նսեմացնէ՛: Բան մը զբեզ այնքան շանարգեր
և այնքան զբեզքու աշքիդ ստորին չի ցուցներ
ո՛րքան տարփանքը: Ողջմտութիւնդ միայն
կրնայ աստիճանդ պահել տալ քեղիւ Դժրադ-
դութիւն մը պաշտպանելու՝ քան թէ անկէ՛
զգուշանալու համար իւր արիութեան կարօտ
ըլլալը՝ շատ աւելի ցաւալի է. մինչզեռ անոր
վերաբերեալ պարտաւորութիւնը կատարելու
հաճոյքն զբեզ կը միխթարէ՛. բայց մի՛ պար-
ծենար երբեք, վախնալով որ չընկճիս: Խոր-
ճէ՛ թէ թշնամիդ քեզի հետ կը կրես և
այնպիսի ընթացք մը բռնէ որ քու անձիդ
համար քեզի երաշխաւոր ըլլայ:

Դիւրայոյդ հանդէսներէ և տարփական
ներկայացումներէ հեռու կեցի՛ր: Ինչ որ
բնաւ շենք ուղեր զգալ, բնաւ պէտք չէ որ
տեսնենք: Երաժշտութիւնն և բանաստեղծու-
թիւնն ալ յաւէտ հեշտութեան կը վերաբե-
րին: Իրական բաներ կարդա՛ որոնք միտքը
կը զօրացնեն:

Երեւակայութեանդ հետ հաղորդակցու-
թիւն մ'ունենար երբեք. նա տարփանքն
իւր բոլոր յանկուցիչ գեղեցկութիւններովը
կը ներկայացնէ քեզիւ Երեւակայութենէն

անցնող ամէն բան հրապուրանք է և ցնորք-
և եթէ իրականութեան դասնալու համար
դայն լքանես, շատ բան կը կորսնցնես։ Ա-
զգոստինոս կը նկարագրէ մեզի թէ ինքն
ինչ վիճակ ունեցած է, սէրէ և զուարձու-
թիւններէ հրաժարիլ ուզելով։ կ'ըսէ թէ իւր
սիրոյն առարկան հիանալի կերպարանքով
մ'իրեն կ'երեւար։ իւր սրտին մէջ զգացած
բանին վրայ այնքան յուզիչ նկարագրու-
թիւն մը կ'ընէ որ, կարելի չէ զայն կար-
դալ առանց զգածուելու։ հեշտութեան նկա-
րագրութիւններու վրայէն թեթեւ կերպով
պէտք է անցնիլ, վասն զի վտանգաւոր են
անոնք այն միջոցին որ մարդ կը ջանայ ինքն
իրեն դիմագրել։ ինքն իւր վրայ շատ խոր-
հըրդածելով՝ տարփանքը կ'աւելնայ։ մոռա-
ցումը միակ զգուշութիւնն է անոր դէմ։
Պէտք է որ լրջութեամբ հաշիւ տեսնես ան-
ձիդ հետ և դու քեզի ըսես։ « Ի՞նչ ընել
կ'ուզեմ արդեօք այն զգացումն որ կը գրաւէ
զիս։ Աիթէ այս ինչ և այն ինչ դժբաղդու-
թիւնք պատրաստ չե՞ն ինձ համար, եթէ
անոր տեղի տալու տկարութիւնն ունենամ»։

Թշնամիէդ, մանաւանդ թէ անոր յատուկ
ընութենէն զօրութիւն և օգնութիւն առ։
Երբոր կամենաս զինքը բնաւ չի գգուել,
այն ատեն ինք քեզի կ'օգնէ և զքեզ կը
զօրացնէ։ Աերժէ այն հաճոյքը զոր իրեն կը
պարգեւես։ բան մը մի շնորհեր բան մը մի
ներեր իրեն և պիտի տեսնես թէ քիչ բան
պիտի մնայ իրեն։ Այնուհետեւ, այլեւս
անոր վրայ մի մտածեր։ հաստատամտու-
թեամբ որոշէ անկէ հեռու փախչիլ։ հաւա-

առ որ մենք մեր ուզածէն տեղի գօրաւոր
ենք։ Զբոսանք և պարզ զուարճութիւնք
կարեւոր են։ բայց պէտք է զգուշանալ այն
ամէն տեսակ հաճոյքներէ որոնք սիրտ կը
յուզեն։

Միշտ մեր յանցանքները չեն որ մեր
կորատեան պատճառ կ'ըլլան, այլ զանոնք
գործելէ յետոյ մեր վարուելակերպը։ Մեր
յանցանքներուն խոնարհարար խոստովա-
նութիւնն՝ ատելութիւնը զինաթափ կ'ընէ և
բարկութիւնը կը մեզմացնէ։

Այն կիներն որ իրենց պարտաւորութեան
մէջ թերանալու, վայելչութիւնը վիրաւորե-
լու, առաքինութիւնն ու պարկեշտութիւնը
վշտացնելու զժրազդութիւնն ունեցած են,
խոնարհ կերպարանքով երեւնալու յարգան-
քը կը պարտին բռնարարուած վայելչու-
թեան և պարկեշտութեան։ տեսակ մապաշ-
խարութիւն է այս զոր կը պահանջէ հան-
րութիւնն որ կը յիշէ յանցանքներդ այն
ինչ որ զու զանոնք մոռնաս։ Զջղումը կ'ա-
պահովէ զփոփոխութիւն։ Խափանէ այն բը-
նածին չարակամութիւնը զոր մարզիկ առ
հասարակ ունին։ ինքզինքդ դիր այն տեղն
որ իրենց հպարտութիւնը կը սահմանէ քեղի
համար։ Զքեզ խոնարհ տեսնել կ'ուզեն։ երբ
որ իրենց կամքը կատարես, այլ եւս քեզմէ
պահանջելու բան մը չեն ունենար։ Յան-
ցանքը գործելէ յետոյ հպարտանալը, զայն
միշտ կը յիշեցնէ և անմոռանալի կ'ընէ։

* * *

Անցնինք, աղջիկս, ընկերութեան վերաբերեալ պարտաւորութեանց։ Ինձ թուեցաւ թէ, ամէն բանէ առաջ զքեզ հասարակ դաստիարակութենէ և մանկութեան նախապաշտումներէն պէտք էր աղատել, թէ կարեւոր էր քու ողջմտութիւնդ զօրացնել և քեզի իրը նեցուկ ծառայելու համար ուղիղ սկզբունքներ տալ։ Խորհեցայ թէ կեանքի անկարգութեանց մեծագոյն մասը սխալ գաղափարներէ յառաջ կուգան։ Թէ սխալ գաղափարներն են որ անկարգ զգացումներ կուտան և թէ, երբ միտքը լուսաւորուած չէ, սիրտը միշտ բաց է կիրքերու համար։ Թէ պէտք է մտքին մէջ ճշմարտութիւններ ունենալ, որոնք սխալ կարծիքներ ստանալէ կը զգուշացնեն զմեզ և թէ պէտք է այնպիսի զգացումներ ունենալ սրտին մէջ որոնք գոց պահեն զայն կիրքերու դէմ։

Երբոր ճշմարտութիւնը ճանշնաս և արդարութիւնը սիրես, այն ատեն բոլոր առաքինութիւնք քեզի համար ապահովուած կ'ըլլան։

Քաղաքային կեանքի առաջին պարտաւորութիւնն ուրիշները մտածելն է։ Այս միայն իրենք իրենց համար ապրողներն արհամարհանքի և լքման մէջ կ'իյնան։ Երբոր չափէն աւելի ուրիշներէ պահանջող ըլլալ ուզես, վերջապէս բարեկամութիւն, համակրանք, ծառայութիւն, զամէնքն ալ պիտի մերժեն քեզի։ Քաղաքային կեանքը փոխադարձ ծառայութեանց առեւտուր մըն է. ով

որ աւելի պատռաւոր է աւելի եւս ծառ սայութիւն կը ստանձնէ . ուրիշներու երջանկութիւնը մտածելով՝ քուկդ կ'ապահովես . ուստի, այսպէս մտածելն յաջողակութիւն է :

Մի միայն իրենց անձին համար ապրիւն յայտնի երեւցող անձերէ աւելի ատելի բան չկայ : Ծայրահեղ անձնասիրութիւնը մեծամեծ ոճիրներ կը գործէ . քիչ պակասը մուլութիւններ յառաջ կը բերէ . բայց որքան որ քիչ ալ ըլլայ , ընկերութեան վերաբերեալ առաքինութիւններն և շնորհքը կը տկարացնէ :

Կարելի չէ բարեկամութիւն հաստատել այնպիսի անձերու հետ որոնք տիրապետող անձնասիրութիւն մ'ունին և զգալի կ'ընեն զայն . այսու հանդերձ չենք կրնար անձնասիրութենէ բոլորովին հրաժարիլ , քանի որ կեանքի հետ կապ ունինք՝ մեր անձին ալ պիտի կապուինք : Այլ սակայն յաջողակ անձնասիրութիւն մը կայ , որ երբեք ի վեասուրիշներու չի գործածուիր :

Մեր նմանները խոնարհեցնելով կը կարծենք թէ զմեղ կը բարձրացնենք . և ահա այս է որ նախանձոտ և չարախօս կ'ընէ զմեղ : Բարութիւնը շատ աւելի արդիւնաբեր է քան թէ չարութիւնը : Բարիք գործէ եթէ կարող ես , ամէնուն վրայ բարի խօսէ և երբեք մէկը խստիւ մի դատեր . այն բարութեան և վեհանձնութեան գործերն յաճախ կրկնուելով՝ վերջապէս մեծ և գեղեցիկ համբաւի մը տէր կ'ընեն զքեղութեան ամէն մարդ զքեղ գովելու , թերու-

թիւններդ պակաս՝ իսկ բարեմասնութիւններդ աւելի գտնելու կը շահաքրքրի։ Պէտք է որ համբաւդ քու առաքինութիւններուդ վրայ հիմնես և ոչ թէ ուրիշներու անարժանաւորութեան վրայ։ Միտքդ դիր թէ բարի յատկութիւններ բանէ մը չեն զրկեր զքեղ և թէ բարի համբաւիդ նուազութիւնը քեզի միայն պարտիս վերագրել։

Զմեզ աւելի դժբաղդ ընող բաներէն մէկն ալ այս է որ մարդոց վրայ չափէն աւելի յոյս կը գնենք. այս է նաեւ մեր անիրաւութեանց ազբիւրը։ Մենք իրենց հետ կը մաքառինք, ոչ թէ այն բանին համար զորանոնք մեզի կը պարտին և ոչ ալ այն բանին համար զոր մեզի խոստացած են. այլ այն բանին համար զոր իրենցմէ յուսացած ենք։ Մեր յոյսերն իրրեւ իրաւունք կը նկատենք, որով շատ յուսախարութիւններ կ'ունենանք։

* *

Ոչ զոք անխորհրդաբար մի դատեր երբեք, և երբեք զբարտութիւն մտիկ մ'ըներ. նոյն իսկ առաջին հաւանականութեանց մէկէն մի համոզուիր և երբեք դատապարտելու մ'աճապարեր։ Միտքդ դիր թէ բաներ կան որ հաւանական կը թուին առանց ճշմարիտ ըլլալու, ինչպէս որ շատ բաներ ալ կան որ ճշմարիտ են առանց հաւանական ըլլալու։

Մասնաւոր դատաստաններու մէջ, հարկէ պաշտօնական դատաստաններու արդա-

բութեան հետեւիլ։ Դատաւորներն երբեք
առանց հարցաքննելու, առանց վկաները լսե-
լու և զանոնք շահաքրքրութիւներու հետ դէմ
առ դէմ բերելու՝ իրենց վճիռը չեն արձա-
կեր։ բայց մենք առանց պաշտօն ունենալու,
համբաւի դատաւոր կը կանգնինք։ Երբ խըն-
դիրը դատապարտելու վրայ է, որ և իցէ
ապացոյց բաւական կ'ըլլայ և որ և իցէ
իշխանութիւն լաւ կը թուի մեղի։ Բնական
շարութենէ զրգուած՝ կը կարծենք թէ ու-
րիշներէ պակաեցուցած բաներնիս մերը կ'ըլ-
լայ։ Այս է ահա ատելութեանց և թշնա-
մութեանց պատճառը, վասն զի վերջ ի վեր-
ջոյ ամէն բան կ'իմացուի։

Ուստի, ազջիկս, արգար եղիր դատաս-
տաններուդ մէջ։ Ինչ արդարութիւն որ
ընես ուրիշներու, անոնք ալ ճիշդ մի և
նոյնը քեզի պիտի հատուցանեն։ Կ'ուզե՞ս որ
լաւ խորհին և լաւ խօսին քու վրայ, մէկու
մը վրայ գէշ մի խօսիր երբեք։

* * *

Պատուաւորութիւնն՝ որ բնկերսիրութեան
մէկ նմանութիւնն է, ընկերութեան վերա-
բերեալ առաքինութիւններէն ալ մէկն է։
զքեզ ուրիշներէ վեր կը դասէ, երբոր դու
զայն իրենցմէ աւելի բարձր աստիճանով
ունենաս։ բայց պէտք է զիտնալ որ նա մի
միայն ի վեաս անձնասիրութեան կը գոր-
ծածուի և կը պաշտպանուի։ Պատուաւո-
րութիւնը միշտ քեզմէ կը կորզէ և ուրիշ-
ներու կը նպաստէ։ ընկերութեան մեծ

կապերէն մէկն՝ և այն միակ յատկութիւնն է որ կենակցութեան մէջ վստահութիւն և քաղցրութիւն յառաջ կը բերէ:

Մենք բնականաբար կը սիրենք իշխանութիւն բանեցնել, որն որ անիրաւ զգացում մըն է, ուր են արդեօք մեր իրաւունքներն, որպէս զի կարենանք ուրիշներէ վեր դաստիլ:

Միայն մէկ իշխանութիւն կայ ներելի և օրինաւոր, այն ալ առաքինութեան քեզի տուածն է: Ուրիշներէ աւելի բարեսրտութիւն և վեհանձնութիւն ունեցիր, ծառայութեանց և բարերարութեանց մասին յառաջադէմ եղիր. ահաւասիկ, բարձրանալու միջոցն այս է:

Վեհանձն անշահասիրութիւնն ալ գքեզ անկախ կ'ընէ և աւելի եւս կը բարձրացնէ քան թէ նոյն խակ հարստութիւնը. վասն զի, բան մը զմեզ այնքան չի նուաստացներ որքան ընչասիրութիւնը:

Սրտին յատկութիւններն են որ կենակցութեան մէջ դեր կը կատարեն. հանճարը բնաւ ուրիշներու չի կապեր զմեզ և շատ անգամ յոյժ ատելի անձեր կը տեսնես ուրո՞ք սակայն շատ հանճարեղ են. իրենց վրայ քեզի լաւ զաղափար կու տան, իշխանութիւն բանեցնել կ'ուզեն և զուրիշները կը նուաստացնեն:

Խոնարհութիւնը թէպէտե իբր քրիստոնէական առաքինութիւն մը միայն նկատուած է, սակայն և այնպէս պէտք է ընդունիլ թէ, նաեւ ընկերութեան վերաբերեալ առաքինութիւն մըն է այն, և այնքան

կարեւոր՝ առանց որոյ գժուարին կենակցութիւն մը կ'ունենաս։ Քու անձիդ վրայ ունեցած զաղափարդ է որ քու իրաւունքներդ այնքան մեծամտութեամբ պաշտպանել և ուրիշներուն իրաւունքները կորզել կու տայքեղի։

Պէտք չէ երբեք որ և իցէ մէկու մը մասին խստապահանջ ըլլալ։ Կատարեալ պատուաւորութիւնն ուրիշներուն քեզի պարտաւոր եղած բաները չի պահանջեր երբեք։ Յայսմ մասին բարեկամներէդ յառաջադէմ ըլլալու բնաւ մի վախնար։ Եթէ կ'ուզես սիրելի բարեկամուչի մ'ըլլալ, երբեք բան մը չափաղանց խստութեամբ մի պահանջեր բայց, որպէս զի վարմունքդ երբեք սուտ չըլլան, որովհետեւ անոնք ներքին տրամադրութիւնները կը յայտնեն, շատ անդամ լուրջ խորհրդածութիւններ ունեցիր քու տկարութիւններուդ վրայ։ և այն ատեն ինքզինքդ յայտնապէս կը ցուցնես, և այդքննութեան արդիւնքը կ'ըլլայ քեզի համար խոնարհութեան զգացում, իսկ ուրիշներու համար ներողամտութիւն։

Խոնարհ եղիր, առանց ամշկոտ ըլլալու Ամշկոտութիւնը ծածուկ հպարտութիւն մընէ, իսկ հպարտութիւնը՝ մարդուն ինքն իւրաքածէքը չգիտնալէն յառաջ եկած սխալ կարծիք մըն է և ուրիշներու աչքին իւր ուզածին պէս երեւնալու անիրաւութիւն մը։

* * *

Համբաւը շատ բաղձալի ստացուածք մընէ . բայց չափազանց եռանդով անոր հետամուտ ըլլալն և ամէն բան մի միայն անոր սիրոյն համար կատարելը տկարութիւն է . պէտք է անոր արժանանալով բաւականանալ . Արդարեւ պէտք չէ փառքի զգացումը մերժել , վասն զի ամէնէն ապահով օգնականն է այն առաքինութեան համար . բայց խնդիրն ազնիւ փառքն ընտրելու վրայ կը կայանայ :

* * *

Ազիկս , վարժուէ քեզմէ վեր եղողներն առանց հիացման և առանց նախանձու տեսանելու , իսկ քեզմէ վար եղողներն՝ առանց արհամարհանքի : Չըլլայ թէ ճոխութիւնը խարէ զեղեզ . փոքրոզիներն են միայն որ մեծութիւններու առջեւ կը խոնարհին . հիացումը մի միայն առաքինութեան իրաւունքն է :

Մարդիկն իրենց բուն յատկութիւններով գնահատելու կարող ըլլալու համար , պատիւներու , աստիճաններու և հարստութիւններու ծայրն հասած անձի մը վիճակը զիտէ . կարծես թէ նա բանի մը կարօտ չէ , մինչդեռ իրապէս շատ բանի կարօտ է , ճշմարիտ ստացուածքը չունենալուն համար : Ճիշդայնապէս կը տանջուի նա որպէս թէ իւր աղքատութիւնն ստոյգ եղած ըլլար , որովհետեւ աղքատութեան զգացումն ունի : «Զկայ

բան մը որ յոսեգոյն ըլլայ, կ'ըսէ հին իւ-
մաստատէր մը, քան աղքատութիւնն հարրու-
տութեան մէջ. վասն զի, այդ պարագային,
հիւանդութիւնն հոգւոյն փակած է»։ Այդ
վիճակի մէջ գտնուողը կարծիքի ըոլոր հիւ-
անդութիւններն ունի, առանց բաղդին
ստացուածքը վայելելու. սխալ կարծիքներով
կուրացած և կիրքերէ բզկառուած է, մինչ-
դեռ ողջամիտ անձ մը որ բան մը չունի,
բայց որ կեղծ ստացուածքներու տեղն հա-
մեստ և ուղիղ խորհրդածութիւններով կը
լիցնէ, այնպիսի հանգստութիւն մը կը վայելէ
որուն բան մը չի կրնար հաւասարիւ։ Մէկուն
երջանկութիւնն խակ միւսին գմբազգութիւնը
մի միայն իրենց տարբեր եղանակաւ խոր-
հելէն յառաջ կու գան։

Եթէ ատելութեան և վրէժխնդրութեան
մասին գիւրագգած ես, ընդդիմացիր այդ
զգացման, վրէժ լուծելէ տւելի վատ գործ
չի կրնար ըլլալ։ Եթէ վշտացուցած են զքեզ,
արհամարհանք միայն կը պարտիս, որն որ
գիւրաւ հատուցանելի պարտք մըն է։ Խոկ
եթէ չնշին բաններու նկատմամբ միայն պա-
կասաւոր գտնուած են քեզի, ներողամտու-
թիւն կը պարտիս իրենց։ Բայց կեանքի մէջ
անիրաւութեան ժամանակներ կան կրելի։
այնպիսի ժամանակներ ուր քեզմէ ամէնէն
աւելի բարիք տեսած բարեկամներ զքեզ
պախարակելու կը սկսին։ Զիրենք սխալան-
քէ ազատելու համար ամէն միջոց ի դործ
դնելէ յետոյ, պէտք չէ երբեք իրենց դէմ
մարտնչելու յամառիւ։ Պէտք է ջանալ բա-
րեկամներու համարումը շահիւ։ բայց, երբ

այնպիսի անձերու պատահիս որոնք միմիայն
ամրաստանութեան աչքով զիտեն զքեզ,
երբ գործդ այն եռանդուն և գրգռուած եւ-
րեւակայութիւններու հետ է, որոնք միմիայն
իրենց անիրաւութիւնները պաշտպանելու
չափ խելք ունին, պէտք է քաշուիլ և հան-
դարտիւ վասն զի, այդ պարագային, ինչ
որ ալ ընելու ըլլաս, տհաճութենէ տարբեր
բան պիտի չկարենաս ստանալ: Այն ա-
տեն պէտք է անոնց անիրաւութեան ամօ-
թին զէմ կանգնել քու անմեղութեանդ պա-
տուարն և ընաւ տեղիք չտուած ըլլալու
ազացոյցը: Խորհէ՛ թէ քանի որ զքեզ բար-
ձրացուցած ատեննին արժանիքդ չէր աւել-
ցած, հիմա ալ որ զքեզ խոնարհեցնել կը
ջանան, չի պակսիր երբեք: Առանց քու
վարմունքովդ աւելի եւս խոնարհելու՝ անոնց
գթալ, ընաւ չզայրանալ, եթէ կարելի է, և
ըսել. — Գէշ աչք ունին: Միտքդ գիր թէ
ընտիր յատկութիւններով կարելի է յաղթել
ատելութեան և նախանձի, և թէ առաքի-
նութենէն քաղուած յոյսերն զքեզ կը պաշտ-
պանեն և կը միսիթարեն:

* * *

Վարմունքիդ մէջ՝ զքեզ թշնամանողներուն
ունեցած չարութենէն աւելի համեստութիւն
ունենալով միայն ջանա վրէժ լուծել: Վէշ
հոգիներն են միայն որ ներելու փառքը կը
զգան:

Ջանա: Ինքզինքդ արժանաւորութեամբ
յարգել, որպէս զի ուրիշներու կողմանէ յար-

զազուրկ թողուելէդ մխիթարուիս Միայն
մէկ տեսակ վրէժինդրութեան կրնաս ձեռ-
նարկել, այն է բարիք գործել անոնց օրոնք
վշտայցուցած են զքեզ, ամէնէն նուրը և միակ
ներելի վրէժինդրութիւնն այն է, այդ կեր-
պով թէ զզացումդ կը յազեցնես և թէ բնաւ
առաքինութեանց վիստած չես ըլլար: Կե-
սար ատոր օրինակը կու տայ մեզի, իւր տե-
ղակալը՝ իրմէ բաժնուեցաւ ճիշդ այն ատեն
որ ամէնէն աւելի պէտք ունէր անոր և Պոմ-
պէտոսի բանակն անցաւ, շատ հարստութիւն
թողլով Կեսարի բանակին մէջ Կեսար իրեն
զրկեց զանոնք և այսպէս զրեց. «Ահա այս-
պէս վրէժ կը լուծէ Կեսար»:

* * *

Խոհեմութիւն է ուրիշներու թերութիւն-
ներէն օգուտ քաղել, թէպէտե անոնք զմեզ
կը վիրաւորեն. բայց շատ անդամ կը պա-
տահի որ ուրիշներն յանցանքը կը սկսին և
մենք զայն կը լրացնենք. իրենց վրայ անոնց
մեզի տուած իրաւունքները գէշ կը գործա-
ծենք, անոնց թերութիւններէն չափէն տ-
ևլի օգուտ քաղել կ'ուզենք. անիրաւութիւն
և բոնութիւն մըն է այս, զոր զիտողները
մեզի գէմ կը զարձնէ: Մինչզեռ եթէ հա-
մեստութեամբ համբերած ըլլայինք, ամէն
բան մեզի նպաստաւոր պիտի ըլլար և զմեզ
թշնամանողներուն յանցանքը պիտի կրկնա-
պատկուէր մեր համբերութեամբ:

Երբոր գիտնաս թէ բարեկամներդ թե-
րութեան մէջ կը գտնուին քեզի հանդէպ,

չզիտցող երեւցիր . վասն զի հաղիւ թէ զիտ-
նալդ յայտնես , անմիջապէս անոնց չարու-
թիւնը կ'աւելնոյ և համարձակութիւն տուած
կ'ըլլաս անոնց ատելութեան : Իսկ չզիտնալ
ձեւացնելով , անոնց անձնասիրութիւնը
շոյած կ'ըլլաս . անոնք գքեղ խարած ըլլալու
հաճոյքը կ'ունենան և բնաւ հակառակութիւն
շտեսնելով , իրենք զիրենք աւելի բարձր կը
կարծեն . քու սխալ համոզումիդ վրայ շատ
կ'ուրախանան և զքեղ կորսնցուցած չըլլա-
լու հաճոյքը կը վայելեն : Զիրենք լաւ ճանչ-
նալդ բնաւ իրենց չզգացնելովդ , վերջապէս
զղչալու և հաշտուելու ժամանակ տուած
կ'ըլլաս իրենց : Միայն թէ , յարմար ատե-
նին ծառայութիւն մը մատուցանել , կամ
իրերը տարբեր կերպով նկատել պէտք է ,
զիրենք աւելի եւս քեզի կապելու համար :

* * *

Խոստումներդ մի դրժեր . բայց անոնց
կատարեալ վստահութիւն շահեցնելու հա-
մար , միտքդ գիր որ վերջին ծայր զգուշու-
թիւն պէտք է զանոնք պահելու համար :

Ճշմարտութիւնն յարգէ , նոյն իսկ կա-
րեւորութենէ զուրկ բաներու նկատմամբ .
համոզուէ որ զայն վիրաւորելէ աւելի ա-
նարդ բան չկայ : Հիներն ըսած են թէ
ստախօսութեամբ յայտնի կ'ըլլայ որ մար-
դիկ շաստուածները կ'անարգեն և իրենց
նմաններէն կը վախնան . թէ շաստուածոց
նմանողն այն է որ ճշմարտութիւնը կը խօ-
սի և բարեկ կը գործէ :

Երդումներէ ալ պէտք է զգուշանալ . պատուաւոր անձի մը խօսքը միայն երդումներու բոլոր պատիւն ունենալու է :

*
* *

Քաղաքավարութիւնն հաճոյ ըլլալու բաղձանք մըն է . ընութիւնը կու տայ զայն և դաստիարակութիւնն և աշխարհ զայն կ'աւելցնեն : Քաղաքավարութիւնն առաքինութեան մէկ յաւելուածն է . կ'ըսեն թէ սա աշխարհ եկաւ երբոր Երկնքի այդ կոյսն իրմէ բաժնուեցաւ :

Ամենաբիրտ դարերու մէջ , ուր առաքինութիւնն աւելի կ'իշխէր , քաղաքավարութիւնը քիչ կը ճանչնային . նա հեշտութեան հետ եկաւ , դուստր է պերճութեան և փափկութեան . ուստի երկրայութիւն կայ թէ արդեօք աւելի մոլութեան մօտ է թէ առաքինութեան :

Առանց զայն որոշել՝ և ոչ իսկ սահմանել համարձակելու , ներելի՞ է ինձ այդ մասին իմ կարծիքս յայտնել : Կարծեմ թէ ընկերութեան ամենամեծ կապերէն մէկն է այն . որովհետեւ յաւէտ խաղաղութեան կ'օդնէ . նախապատրաստութիւն մըն է մարդասիրութեան համար և նոյն իսկ նմանութիւն մը խոնարհութեան :

Ճշմարիտ քաղաքավարութիւնն համեստ է . և , որովհետեւ հաճելի ըլլալ կը բաղձայ , գիտէ թէ ատոր յաջողելու միջոցներն զմեզ ուրիշներէ նախադաս չհամարող՝ և մեր գնահատութեան մէջ առաջին կարգն անոնց նուիրող երեւնալն է :

Հպարտութիւնն զմեզ ընկերութենէ կը
բաժնէ . մեր անձնասիրութիւնը զատ կարգ
մը կը սահմանէ մեղի , որուն համար յաճախ
մեղի հետ կը մրցին . ինքն իւր վրայ ունե-
ցած համարումը չափէն տւելի յայտնի ընե-
լը գրեթէ միշտ հասարակաց անարդանքով
կը պատժուի : Քաղաքավարութիւնն ուրիշ-
ներու և մեր անձին հանդէս մեր պարտա-
ւոր եղած բաները շնորհքով իրարու հետ
հաշտեցնելու արուեստն է . վասն զի այս
պարտաւորութիւններն իրենց սահմաններն
ունին , զորս անցնիլն , ուրիշներու համար
շողոքորթութիւն է , իսկ մեղի համար հպար-
տութիւն . քաղաքավարութիւնն ամէնէն ա-
ւելի հրապուրիչ յատկութիւնն է :

Ամէնէն քաղաքավար անձինք առհասա-
րակ իրենց բարուց մէջ քաղցրութիւն և
յանկուցիչ յատկութիւններ ունին : Քաղա-
քավարութիւնն Աստղկան գօտին է . բոլոր
զինքը կրողները կը գեղեցկացնէ և անոնց
շնորհք կու տայ . զայն ունենալով կարելի
չէ որ անհաճոյ ըլլաս :

Քաղաքավարութիւնը շատ աստիճաններ
ունի . մտքիդ նրբութեան համեմատ աւելի
ընտիր քաղաքավարութիւն մը կ'ունենաս :
Նա քու բոլոր վարմունքիդ , խօսակցութեանդ
և նոյն իսկ լուսթեանդ կը մասնակցի :

Ճշմարիտ քաղաքավարութիւնը թոյլ չի
տար որ մեր հանճարն ու տաղանդը մեծա-
մտութեամբ ի ցոյց դնենք :

Ո՛ և է դժբաղդութեան մը ենթակայ ըլ-
լալով հանդերձ ինքզինք երջանիկ երեւցնելն
ալ տմարդութիւն է : Վարմունքը կրթելու

համար մարդկային ընկերութիւնը միայն
բաւական է. բայց քաղաքավարութիւնը
մինչեւ ի համար հասցնելու համար շատ
զգուշութիւն պէտք է:

Աթէ ընտիր և նուրբ քաղաքավարութիւն
մ'ունենաս, շատ թերութիւններդ կը ներեն
և բարեմասնութիւններդ կ'աւելցնեն: Այ-
նոնք որ կիրթ վարժունք չունին աւելի եւս
կարօտ են հաստատուն յատկութիւններու
և այնպիսիններու համբաւը շատ դանդաղ
կերպով կը շինուի: Վերջապէս քաղաքա-
վարութիւնը քիչ ծախսք կը պահանջէ, բայց
շատ շահ կ'ապահովէ:

Լոռութիւնը շատ վայելուչ է գեռատի աղ-
ջլիանց. զայն պահելու մէջ համեստութիւն
և արժանապատուութիւն կայ, անով ուրիշ-
ները կը դատես և չըսուելու բան մ'անխոր-
հրդաբար ըսելու պակասութիւնը չես գոր-
ծեր: Միայն թէ ամբարտաւան և նախա-
տական լոռութիւն մ'ունենալէ զգուշացիր:
Պէտք է որ լոռութիւնդ խոչեմութեանդ ար-
դիւնքն ըլլայ և ոչ թէ հապարտութեանդ:
Բայց, որովհետեւ կարելի չէ միշտ լոել,
պէտք է զիտնալ թէ, լաւ խօսելու համար
առաջին կանոնը լաւ խորհիլն է:

* * *

Երբ գաղափարներդ մաքուր և որոշ ըլ-
լան, խօսակցութիւնդ ալ պայծառ կ'ըլլոյ:
Զանա որ անոնք պարկեշտութեամբ և վայել-
չութեամբ լի ըլլան: Խօսակցութեանցդ մէջ
նախապաշտամներն ու սովորութիւններն

յարգէ։ Բացատրութիւններէն զգացումներն յայտնի կ'ըլլան և զգացումները բարուց բացատրութիւններն են։

Պէտք է մանաւանդ զուարճախօս բնաւորութիւն մ'ունենալէ զգուշանալ. այնպիսին միշտ ստորին կը համարուի և ծաղրաշարժ անձ մը քիչ անգամ յարգանք կը վայելէ։ Գեղմէ աւելի ուրիշներուն մտադրութիւն ըրէ և ջանա խօսակցութիւններուդ յաւէտ կարեւորութիւն շահեցնել քան թէ զանոնք փայլուն երեւցնել։ Պէտք է լու մտիկ ընել գիտնալ, և ոչ աչքերու ոչ ալ կերպարանքի մէջ անուշադրութեան երեւոյթ չկրել։

Քիչ պատմէ, ընտիր, յստակ և կոկիկ կերպով նկարագրէ և ըսելիքդ նոր բան ըլլայ և կամ ըսելու եղանակդ նորօրինակ։ Աշխարհ լի է այնպիսի անձերով որոնք ձայներ կը հասցնեն ականջին առանց երբեք մտքին բան մը հասկցնելու։

Խօսելու ատեն, պէտք է հաճելի ըլլալ և կամ բան մը սորվեցնել։ Երբ մտադրութիւն կը պահանջես, պէտք է որ շնորհքով զայն փոխարինես։ Հասարակ խօսակցութիւն մը որքան ալ կարճ ըլլայ, միշտ ձանձրանալի է։

Բանի մը հաւանութիւն ցոյց տուր, բայց քիչ անգամ զարմանք յայտնէ. զարմանքն յիմարներու բաժինն է։ Խօսակցութիւններուդ մէջ արուեստ և խորամանկութիւն մի խառներ. գլխաւոր խոհեմութիւնը քիչ խօսելու և ուրիշներէ աւելի ինքն իւր վրայ չվստահանալու մէջ կը կայանայ։ Ուղիղ վարմունքն և ուղղամտութեան համբաւն

աւելի եւս վատահութիւն և յարդ կը շահցեցնեն և ժամանակու բաղզի աւելի առաւելութիւններ կ'ընծայեն քան թէ անուղղակի ճամբաներն»:

* * *

Ապաստարներուդ հանգէպ բարեսիրա և մարդասէր ըլլալու վարժէ: Հին խմաստասէր մը կ'ըսէ թէ, «պէտք է իրը գմբաղդ բարեկամներ նկատել զանոնք»: Խորհէ թէ քու և անոնց միջեւ գտնուած կարգէ զուրս տարբերութիւնը բաղզին միայն կը պարտիս ուստի իրենց վիճակը մի զգացներ և իրենց վիշտը մի ծանրացներ: Իւր հրամանին ներքեւ գտնուողին հպարտութիւն ցոյց տալէ աւելի ստորին բան չկայ:

Դառն լեզու մի զործածեր երբեք: աեւսակ մը խօսքեր կան զորս կիրթ և ազնիւ անձ մը պէտք չէ որ գիտնայ: Ծառայութիւնը մարդոց բնական հաւասարութեան հակառակ հաստատուած վիճակ մ'ըլլալով՝ պէտք է անոր դառնութիւնը կարելի եղածին չափ մեղմացնել: Խրաւունք ունինք պահանջելու, որ մեր սպասաւորները բնաւթերութիւն չունենան, մենք որ ամէն օր շատ թերութիւններ ցոյց կու տանք անոնց: Հետեւաբար, պէտք է անոնց ներել:

Երբոր գմկամակութեամբ և բարեկութեամբ լի երեւաս, վասն զի յաճախ կը պատահի որ սպասաւորներու առջեւ այդպէս իրենք զիրենք կը խայտառակեն, ինչ ամօթալի տեսաբան կը ներկայացնես անոնց

աչքին։ Այդ վարժունքովդ՝ զանոնք պարաւելու իրաւունքէդ ինքնին հրաժարած չես ըլլար։ Անոնց հետ ստորին ընտանութիւն մ'ունենալու չես, բայց օգնութիւն, խրատե քու վիճակիդ և անոնց պէտքերուն համատ բարերարութիւն կը պարտիս անոնց։

Սպասաւորին վրայ իշխանութիւն պահելու է, բայց քաղցր իշխանութիւն մը։ Պէտք չէ նաեւ միշտ պատժելու սպառնալիք ընել անոնց, որպէս զի այդ սպառնալիքները վերջապէս արհամարհելի ըրպան։ բայց այն ատեն միայն իշխանութիւնը ձեռք առնելու է երբոր համոզողութիւնն անօգուտ մնայ։ Խորհէ թէ մարդասիրութիւնն ու քրիստոնէութիւնը զամէն մարդ իրարու կը հաւասարեցնեն։ Երիտասարդութեան եռանդն և անհամբերութիւնն, անձիդ նկատմամբ քեզ զի տրուած սխալ գաղափարին միանալով՝ սպասաւորներն իրը թէ քուկինէդ տարբեր բնութիւն ունեցող անձեր նկատել կու տանքեզի։ Այսպիսի զգացումներ որքան հակառակ են համեստութեան զոր քու անձիդ՝ և մարդասիրութեան զոր ուրիշներու պարտաւոր ես։

Սպասաւորաց շողոքորթութիւններէն մ'ախորժիր, և, անոնց շողոքորթական և յաճախ կրկնուած խօսքերուն քու վրայ ընելիք տպաւորութիւնն արգիլելու համար, միտքդ դիր թէ անոնք քու տկարութիւններուդ և հպարտութեանդ ծառայելու համար վարձուած անձեր են։

* * *

Եթէ դժբաղգարար, աղջիկս, խրատնեւրուս չանսաս, եթէ անոնք անօպուտ մնանքեզի համար, զոնէ ինձ համար օգտակար պիտի ըլլան. վասն զի այս սկզբունքներով ինձ նորանոր պարտաւորութիւններ կը կազմեմ։ Այս խորհրդածութիւննք նորանոր յանձնառութիւններ են ինձ առաքինութեան համար աշխատելու։ Խմ ողջմտութիւնս նոյն խոկ իմ անձիս դէմ կը զօրացնեմ և ինք զինքս անոր հնագանզելու հարկին մէջ կը դնեմ. և կամ զայն ճանչնալու կարող ըլլարով հանդերձ անոր անհաւատարիմ դանուած ըլլալու ամօթը կը ստանձնեմ։

Աղջիկս, իմ բոլոր թերութիւններս ինձ յիշեցնող նիւթերու վրայ գրելէ աւելի նուսաստացուցիչ բան չկայ. զանոնք քեզի ցոյց տալով՝ զքեզ պարտաւելու իրաւունքէն կը հրաժարիմ. ինձ դէմ զէնքեր կու տամ քեզի և կ'արտօնեմ քեզ զանոնք զործածել, եթէ տեսնես որ քեզի յանձնարարած առաքինութիւններուս հակառակ մոլութիւններն ունիմ. վասն զի, այն ամէն խրատ որ օրինակով հաստատուած չէ՝ անզօր կը մնայ։

ԿԱՆԱՆՑ ՎՐԱՅ

ՔԱՆԻ ՄԸ ԽՈՐՀՇԴԱԾՈՒԹԻՒՆՔ



Առաքինութեան իշխանութիւնը կեանքի
ամբողջ տեւողութեան համար է . ամէն յար-
գելի բաներու յատկութիւնն այս է որ իրենց
տեւողութեամբ զիներնին կը կրկնապատ-
կուի և այլ եւս նորութեան հրապոյրով հա-
ճելի չեղած տաեննին, իրենց ունեցած կա-
տարելութեան համեմատ հաճելի կ'ըլլան :
Պէտք է խորհիլ թէ, գեղեցիկ ըլլալու ժա-
մանակը կարծ է, իսկ անկէ զուրկ մնալու
ժամանակն երկար . և թէ, կանայք գեղեց-
կութեան չնորհքէն զրկուելէ յետոյ, այս
եւս մի միայն իրենց էական մասերով և
յարդելի յատկութիւններով կրնան իրենք
զիրենք պաշտպաննել : Հետեւաբար, պէտք
չէ որ հեշտալի երիտասարդութեան մը պա-
տուաւոր ծերութիւն մը միացնել յուսան :

Երբոր անգամ մը պարկեշտութիւնը զո-
ւուի, գեղեցիկ տարիներու նման՝ այլ եւս
չի վերադառնար . նա է որ անոնց ճշմարիտ
շահուն կը ծառայէ, անոնց գեղեցկութիւնը
կ'աւելցնէ, անոնց ծաղիկն է . իսկ տգեղու-
թեան իրը արդարացում կը ծառայէ . աչ-

Քերու հրապոյրն է այն, սրտերու քաղցրութիւնն, առաքինութեանց երաշխաւորն և ընտանեաց միութիւնն ու խաղաղութիւնն:

*
* *

Այր մարդիկ մեծ շահ ունին կիները իրենք իրենց գլխաւոր պարտաւորութեանց կոչելով։ Այն անջատումը զոր մենք մեր անձին հետ կը զործենք, մեր բոլոր մոլութեանց ազրիւրն է։ Երբ որ հաստատուն յօժարութիւններով մենք մեր անձին չենք կապուիր, ամէն բանի կը կապուինք։ Առանձնութեան մէջ է որ ճշմարտութիւնն իւր գասերը կուտայ և հոն կը սորզինք նուազեցնել այն բաններուն զինը զորս մեր երեւակայութիւնը կը ջանայ իրենց արժէքէն աւելի սուլ ցուցընել մեզի։ Երբոր կրնանք լաւ և օգտակար դիրքեր կարդալով զբաղիլ, անզդալարար մեր մէջն այնպիսի հաստատուն սնունդ մը կը դոյանայ որ մեր բարուց մէջ կը հոսի։

*
* *

Կանանց վերադրուած առաւելութիւններու կարգէն ըլլալով կը կարծուի թէ անոնք նուրբ ընտրողութիւն մը՝ այսինքն ճաշակ մ'ունին շնորհքի և վայելչութեան վերաբերեալ բաններու մասին վճիռ արձակելու համար։ Ճաշակին ինչ ըլլալը շատեր սահմանած են։ Տիկ. Տասիէ հաստատած է թէ նա «մտքի և դատողութեան մէկ ներդաշնակութիւնը՝ մէկ համաձայնութիւնն է», և զայն

կ'ունենանք աւելի կամ նուազ, այն համեմատութեամբ որ այդ ներդաշնակութիւնն աւելի կամ նուազ ուղիղ է: Ուրիշ մը պնդած է թէ, ճաշակն զգացման և մտքի միութիւն մըն է, և թէ, մին և միւսն համաձայնած՝ դատողութիւն կոչուած բանը կը կազմեն: ինչ որ կարծել կու տայ թէ ճաշակն յաւէտ զգացման կապուած է քան թէ մտքի, այն է որ չենք կրնար մեր ճաշակներուն վրայ համար տալ, վասն զի չենք դիտեր երբեք թէ ինչու կը զգանք. բայց միշտ համար կու տանք մեր կարծիքներուն և մեր ծանօթութիւններուն վրայ: Ճաշակներու միջեւ բնաւ ու և է համեմատութիւն մը՝ ու և է կարեւոր կապակցութիւն մը չկայ: Այլ սակայն, ճշմարտութիւններու միջեւ միենոյնը չէ: Ուստի, կարծեմ թէ կրնամ ամէն հանճարեղ անձ ինձ համակարծիք ընել: Բայց բնաւ վստահ չեմ զգայուն անձ մը իմ ճաշակիս դարձնելու, բնաւ յանկուցիչ կերպ մը չունիմ զինքն ինձ քաշելու համար: Ճաշակներու մէջ երբեք բան մ'ինքն իրմէն յառաջ չի դար. ամէն ինչ անդամներու տրամադրութենէն և անոնց ու առարկաներու միջեւ գտնուող կապակցութենէն յառաջ կու դայ: Այսու հանդերձ, ինչպէս որ զգայութիւններու ուղղութիւն մը կայ, նոյնպէս ալ ճաշակի ուղղութիւն մը կայ:

* * *

Ճաշակի ուղղութիւնն է որ վճիռ կ'արձակէ շնորհք, զգացում, վայելչութիւն, փափկու-

թիւն, կամ (եթէ կարելի է ըսել) մտածաղիկ
կոչուած բանին մասին, որն որ ամէն բանի
մէջ՝ պահուելու չափը կը զգացնէ։ Բայց որով-
հետև կարելի չէ ասոր համար ապահով կանոն
տալ, ուստի այս սխալ գործողներն ալ կարելի
չէ համոզել։ Որքան ժամանակ որ իրենց
զգացումն իրենց չծանուցանէ, կարելի չէ
զիրենք կրթել։ Ասկէ զատ, ճաշակն այնքան
փափուկ՝ այնքան անզգալի բաներ իրը նիւթ-
ունի, որ կանոններէ դուրս կը մնայ։ Կա
չի ստացուիր, այլ բնութիւնն է որ զայն կու-
տայ։ Ճաշակն ընդարձակ ծաւալ մ'ունի.
մտքի նրբութիւն կու տայ, կենդանի և արագ
կերպով նշմարել կու տայ քեզի, ինչ տեսնելու-
բան որ կայ ամէն մէկ նիւթի մէջ։ Այս է
որ ըսել կ'ուզէ Մոնթէնեի, երբ կը պնդէ
թէ կանայք «շտապող միտք» մ'ունին։ Ճա-
շակը, սրտին մէջ փափուկ զգացումներ կու-
տայ։ և աշխարհային կենակցութեան մէջ,
տեսակ մ'ուշադիր քաղաքավարութիւն, որ
կը սորվեցնէ մեզի զգուշութեամբ վարուիլ
այն մարդոց անձնասիրութեան հետ որոնց
հետ կը կենակցինք։

Կարծեմ թէ ճաշակն երկու բանէ կախում
ունի. սրտին մէջ շատ փափուկ զգացումէ
մը և մտքին մէջ մեծ սրութենէ մը։ Ուս-
տի, պէտք է խոստովանիլ որ այր մարդիկ
չեն գիտեր թէ որքան մեծ նուէր մ'ըրած
կ'ըլլան տիկնանց, ճաշակի հանճարն անոնց
շնորհելով։

* * *

Զգայնութիւնն հոգւոյն մէկ տրամադրութիւնն է զոր շահաւոր է գտնել ուրիշներու մէջ։ Աւանց զգայնութեան ոչ մարդասիրութիւն կրնանք ունենալ և ոչ առատաւ ձեռնութիւն։ Սրտին մէկ զգացումը, մէկ շարժումը միայն հոգւոյն վրայ աւելի եւս աղղեցութիւն ունի քան թէ իմաստասէրաներու բոլոր հանճարեղ խօսքերն։ Զգայնութիւնը մտքին կ'օգնէ և առաքինութեան կը ծառայէ։

* * *

Կանայք, սովորաբար, բան մը պարտական չեն արուեստին։ Ինչո՞ւ անպատեհ համարիլ անոնց հանճար մ'ունենալը զոր կը նան առանց զոհողութեան ստանալ։ Մենք կ'եղծանենք այն բոլոր տրամադրութիւնները զորս բնութիւնը պարզեւած է անոնց։ Նախ և առաջ անոնց դաստիարակութիւնն անխնամ կը թողունք. անոնց միտքն երբեք լուրջ բանով մը չենք զբաղեցներ. և այս ընթացքին սիրտն օգուտ կը քաղէ։ Մենք հաճելի ըլլալու կը սահմանենք զանոնք. ուստի և անոնք իրենց գեղեցկութեամբը կամ մոլութիւններովը միայն հաճելի կ'ըւլան մեզի։ Կը թուի թէ անոնք մեզի իրը ակնահաճոյ տեսարան մ'ըլլալու համար միայն պատրաստուած են։ Հետեւարար, անոնք ալ մի միայն իրենց զարդարանքը կատարելագործել կը ջանան, և դիւ-

բաւ կը յափշտակուին իրենց ի բնէ ունեցած հակումներէն . և չեն հրաժարիր այնպիսի յօժարութիւններէ զորս չեն կարծեր թէ բնութենէն ընդունած ըլլան ատոնց հետ մարտնչելու համար :

Բայց զարմանալի կէտն այն է որ գանոնք իրր սիրոյ առարկայ պատրաստելով հանդերձ, առոր կիրարկութիւնն անոնց կ'արդիւնք : Պէտք էր սակայն հաստատ որոշում մը տալ . եթէ մի միայն հաճելի ըլլալու կը յատկացնէք զանոնք, մ'արդիլէք իրենց ուրեմն զարդարանքի գործածութիւնն . իսկ եթէ կ'ուղէք որ անոնք ողջամիտ և խմաստուն ըլլան, մէկ կողմ մի լքանէք զիրենք երր կը տեսնէք թէ այս տեսակ արժանիք միայն ունին : Բայց մենք իրենցմէ այնպիսի յատկութիւններու խառնուրդ մը՝ և ըղգուշաւորութիւն մը միանգամայն կը պահանջնէնք, զորս զժուարին է ճիշդ չափով մը ձեռք բերել և իրարու հետ հաշտեցնել :

Կ'ուղենք որ անոնք հանճար ունենան, բայց զայն ծածկելու, կասեցնելու և բան մը չարտադրելու պայմանաւ : Հաղիւ թէ իրենց հանճարը թռիչք մ'առնէ, վայելչուրիւն կոչուած բանն անմիջապէս ետ կը քաշէ զայն : Փառքն, որ առ հասարակ հանճարի արտադրութեանց հողին և նեցուկն է, զլացուած է իրենց : Ամէն նիւթ, ամէն յոյս կը խլեն անոնց մաքէն, կը նուաստացնեն զայն, և, եթէ համարձակէի Պղատոնի բացատրութիւնը գործածելու, պիտի ըսէի թէ, « անոր թեւերը կը կտրեն » : Հատ զարմանալի է սակայն որ այսպէս ըլ-

լալով հանդերձ, անոնք հանճարէ զուրկ չեն
բոլորովին:

* * *

Ամէն մարդ համամիտ է թէ պէտք է որ
կիներն իրենք զիրենք յարդել տան. բայց
միթէ յարգա՞նք միայն պէտք է մեղի և ար-
դեօք բնաւ ուրիշ բանի կարօտ պիտի չըլ-
լա՞նք: Մեր գատողութիւնը մեղի պիտի
ըսէ թէ պէտք է որ նա բաւէ, բայց մենք
դատողութեան իրաւունքը դիւրաւ մէկ կողմ
կը լքանենք, որտին իրաւունքը պաշտպա-
նելու համար: Բնութիւնն ինչպէս որ է այն-
պէս ընգունելու է: Յարգելի յատկութիւն-
ներ այնքան միայն հաճոյ կ'ըլլան որքան որ
կարենան օդտակար ըլլալ մեղի. բայց սի-
րելի յատկութիւններն ալ մեղի կարեւոր են
մեր սիրտը լեցնելու համար. վասն զի, մենք
որքան որ յարգելու՝ նոյնքան ալ սիրելու
պէտք ունինք: Մարդիկ միակերպ հիանա-
լով կը ձանձրանան. մանաւանդ եթէ այդ
հիացման առարկան միանդամայն հաճոյ ըլ-
լալու համար կազմակերպուած չէ: Նոյն իսկ
բաւական չէ որ ցեղն հաճելի ըլլայ մեղի,
այլ կարծես թէ պէտք է որ նա մեր սիրտը
դրաւէ: Արժանիքը գժտուած չէ բնատուր
գեղեցկութեան հետ. մանաւանդ թէ պէտք
է որ ինք միայն իրաւունք ունենայ զայն
ազնուացնելու. առանց իրեն՝ շատ աննշան
է այն և անցաւոր: Ասկէ զատ, առաքինու-
թիւնն ոչ զոք տգեղացուցած է երբեք. և
այս այնքան ճշմարիտ է որ, գեղեցկութիւնն

առանց արժանիքի և առանց հանճարի, ան-
համ է, մինչդեռ արժանիքը ագեղութիւնն
ալ կը ծածկէ:

* * *

Հազիւ թէ կին մը իւր սրտէն դուրս վանէ-
այն մատաղ և փափուկ պատուոյ զգացումը
որ իւր կեսնքին կանոնն ըլլալ կը պարտի,
զողացէք միւս առաքինութեանց համար :
Այսուհետեւ ի՞նչ առանձնաշնորհութիւն պի-
տի ունենան անոնք յարգանք վայելելու
համար : Միթէ կինն աւելի՝ արժանի է յար-
գանքի քան իւր սեփական պատիւն : Այս
նկարագիրն ունեցող կիներն երբեք սիրելի
յատկութիւններ չեն ունենար : Անոնց վրայ
ո՛չ պարկեշտութիւն կրնաք գտնել և ո՛չ նրբու-
թիւն. պչրանքն և անպատշաճ ընտանութիւն
մը բնութիւն կը դառնայ իրենց . և բնաւ
չեն գիտեր բարեկամուհւոյ յատկութիւնը
սիրուհւոյ յատկութեան միացնել: Ծատ որում
հաճոյք միայն կը վնտաեն և ո՛չ թէ սրտակ-
ցութիւն, բարեկամութեան բոլոր պարտա-
ւորութիւններէն կը խուսափին : Այս է
ահաւասիկ սովորական և արդի սէրն, որ
կ'առաջնորդէ զիրենք զեղիս և ունայնասէր
կեանքի մը:

* * *

Այր մարդիկ իրենց շահերը չեն ճանչնար
երբոր իրենց սիրած կիներուն միտքն ու
սիրտը գրաւելու կ'աշխատին : Զգայարանք-

ներու միացումէն աւելի զօրաւոր և աւելի տեւական հաճոյք մը կայ, որ է սրտերու միացումն այն ծածուկ հակումն որ գքեղ դէպի սիրած անձդ կը տանի, հոգւոյն այն զեղումն, այն վատահութիւնը թէ աշխարհի մէջ անձ մը կայ որ քեզի համար կ'ապրի և որ ամէն զոհողութիւն ընելու պատրաստ է գքեղ վշտէ մ'աղաւելու համար «Աէրը, կ'ըսէ Պղատոն, մեծամեծ գործերու ձեռնարկած է. առաքի նութեան ճամրուն մէջ քեզի կ'առաջնորդէ և երբեք չի հանդուրժեր որ ո՛ւ և է տկարութիւն մոռնենաս»։ Այս է աշաւասիկ ճշմարիտ սիրոյ նշանը։ Լակեզեմոնի մէջ, երբ մարդ մը յանցանք մը գործէր, ոչ թէ զինքն՝ այլ զինքը սիրող կինը կը պատժէին. սիրուած անձին յանցանքին մեղսակից կը նկատէին զինքը։ Անոնք գիտէին թէ ձեզի ըսած սէրս առաքինութեան ամենահաստատ նեցուկն է։

Բոլոր օրինակները զայս կը հաստատեն։ Այս է աշաւասիկ պատճառն որով պատուաւոր կիներ կը համարձակին սիրել։ Գիտեն թէ արժանաւոր մարդու մը միանալով՝ սկըզբունքով օրինաւոր կերպով պիտի պաշտպանուին և պիտի առաջնորդուին առաքինութեան ճամրուն մէջ։

Կիներն իրենց մէջ չեն կրնար բարեկամութեան քաղցր՝ հաճոյքը վայելել։ Պէտքերն են որ զանոնք իրարու կը միացնեն և ո՛չ երբեք զգացումներն. անոնք մեծագոյն մասամբ բարեկամութիւն չեն ճանչնար և անոր արժանի չեն։

* *

Ճշմարիտ բարեկամութեան մէջ ճաշակ
մը կոյ, որուն չեն կրնար հասնիլ անոնք
որ միջակ բնաւորութեան աէր են։ Կարելի
չէ որ կիներն իրենց սիրան ամենեւին չզգան
ի՞նչ ընելու է ուրեմն այդ զգացումներու
զանձարանն և սիրելու և սիրուելու պէտքը
զոր ունին։ Այր մարդիկ անկէ կ'օգտուին։
Այլ սակայն բան մը այնքան թանկագին և
այնքան ալ տեւական չէ որքան այն անկեղծ
սէրն, երբ մանաւանդ առաքինութիւնն ալ
միացուցած էք անոր։ Խորհրդածութիւններ
ու, զգացումներու և վարքի մէջ վայելլու-
թիւն կը զնէ։ Դասաոյ իրը փափկութեան
օրինակ կը ներկայացնէ մեզի Ուինտան։
կ'ըսէ թէ, «այս սիրահարը շատ կը բաղձայ,
քիչ կը յուսայ և բան մը չի պահանջեր»։
Այս սէրը կրնայ ինքն իրեն բաւել, նա
իւր սեփական վարձատրութիւնն է։


* *

Սիրոյ և ուրիշ հաճոյքներու միջեւ եղած
տարբերութիւնը դիւրաւ կրնան նշմարել ա-
նոնք որ սիրած են։ Հաճոյքները մեծադոյն
մասամբ՝ զգացուելու համար ։ առարկային
ներկայութեան կը կարօտին։ Զոր օրինակ,
երաժշտութիւն, կերուխում, թատերական
տեսարաններ, պէտք է որ ներկայ ըլլան,
մեր վրա, տպաւորութիւն ընելու մեր հոգին
իրենց քաշելու և զայն ուշադիր պահելու
համար։ Մեր ներսը տրամադրութիւն մ'ու-

Նինք զանոնք ըմբոշխնելու համար, բայց առնոնք մէզմէ դուրս են, դրսէն կու զան։ Խսկ ոչըն այնպէս չէ, նա մեր մէջն է, մեր անձին մէկ մասն է, Հետեւաբար, նա մի միայն առարկային չի կապուիր, առանց առարկային ալ կրնանք ոչըրը վայերել։ Հոգւոյն այն հըրճուանքն՝ որ սիրուած ըլլալու վատահութենէն յառաջ կու զայ, այն փափուկ և միանգամայն խոր զգացումները, սրտի այն սաստիկ և խանգաղատական յուզումը՝ զոր մեր սիրած անձին գաղափարն ու անունը կու տան մեղի, բոլոր այս հաճոյքները մեր մէջն են և մեր սեփական զգացման կը կապուին։

Երբոր ձեր սիրտն զգածուած է և թէ սիրուած ըլլալնուդ վատահ էք, այն ատեն ձեր բոլոր մեծագոյն հաճոյքները ձեր սիրոյն մէջն են. ուստի կրնաք զուտ ձեր զգացմամբ երջանիկ ըլլալ և երջանկութիւնն ու անմեռ զութիւնն իրարու ընկերացնել։

ՎԵՐՋ



200-37-38
167

ՎԻՊԱՌԱՆԱԿԱՆ ԳՐԲԵՐ

	Ֆր.	Զույգ.
Աղաւեմի		1 20
Աղբար Թովմասի տնակը		4 —
Անոր Երթանք		1 —
Արա Գեղեցիկ		2 —
Արսորականք ի Սփառերիա		1 50
Բիչչիոլա		1 —
Գեղովափէ		1 80
Եզովբոս		3 —
Երկիրը որ կը մեռմի		2 50
Երկու Բազար Մզո՞ն Ամերիկայի Աերքն.		2 —
Զրուարան Մամկանց 6 Բատոր		9 —
Թագաւոր Լերանց		1 50
Ղմակիս Ջկնորսը		1 —
Ղուզովիկոս ԺԶ		2 —
Կայլակներ		1 50
Կեանքի Նախօրեկին		2 60
Հանգած Եկեղեցին		1 —
Մատենադարան մամկանց 15 Բատոր		6 —
Ծովսէփ Գեղեցիկ		1 50
Ծուշը Լոմարայի		— 50
Նշանաձները		5 —
Շարք ընտիք պատմութեանց 9 Բատոր		13 —
Պատմութիւն Քըիստոսի		8 —
Պօղ և Վիրզիթէ		1 50
Չըհեղեղը		8 —
Ռոպենոս		2 50
Սիրտ		2 50
Սրով ու Բրով		5 50
Վեստեան կոյս		2 —
Փաքիոլա		3 —
Փան Միքայէլ Վոլոտիովսքի		5 —
Ֆելիչէ Ռոպենոս		— 50

ՇԱՐՔ ԸՆՏԻՐ ՊԱՏՄՈՒԹԵԱՆՑ

9 ՀԱՏՈՐ

	ՖՐ. Գումագ.
Ա. — Երեք Մամապարտք	1 50
Բ. — Վլաս Կառմիացի	1 50
Գ. — Աղետալի ղիպուածք Խոլանտիոյ	1 50
Դ. — Վիլմեմ	1 50
Ե. — Տիբերիսի Նաւազարը	1 50
Զ. — Գաղտնիք Վեմետկոյ	1 50
Է. — Իրական զէպքեր	1 50
Ը. — Կուզ Սիմոնը	1 50
Թ. — Երկու Բազար մղոն Ամերիկայի ներքեւ	2 —

Այս 9 հատորները միասին՝ կ'արժեն. 12 -

ԴԱՍՏԻԱՐԱԿՈՒԹԻՒՆ ԱՂՋԿԱՆՑ

Գին ֆ. Զուից. 1.60

Դիմել

Imprimerie Arménienne

St. Lazare

VENISE (Italie)



ԳԱԱ Դիմնարար Գիտ. Գրադ.

901000866